



桃陽望炊樓本

五  
畹  
園  
志  
題  
詠  
刻

蘇城徐文藝齋精刊



五畝園志序

自古園林之興廢由於斯世之治亂當夫海內  
清晏士大夫林居之暇往往作爲園囿池沼以  
極其歌詠飲晏游觀之樂乃有一過之而墟其  
地焉再過之三過之而迷其處焉其他蕩滅於  
劫灰兵燹之餘者更不知凡幾此古今一轍也  
蘇城西北隅舊有五畝園勝絕一時爲漢張長  
史所置以樹桑者也長史名無可考然能留其  
澤於千百年之下興而廢廢而復興夫豈偶然

序

當宋熙甯紹聖間梅氏章氏繼居之及於明之  
呂氏國朝之葉氏益復增拓其境臺榭林亭  
桑麻花竹之美號稱極盛則長史之流澤遠矣  
近雖遭罹寇亂湮滅殆盡而遺跡猶在人耳目  
間謝君綏之於是搜羅舊聞并舉近時所建祠  
墓輯成五畝園志徵序於余余僻處城東惜未  
一至其地問所謂梅鳴楊柳隄雙荷花池諸勝  
異日當隨謝君之後遍履其跡徘徊瞻眺以追  
想當日士大夫歌詠游晏之樂而長史之高風

亮節庶幾若或見之雖然余尤於七人之死節而爲之三歎焉夫義烈之行天固不擇人而畀凡克盡其性者皆能自致若七人者士大夫或有愧色然而姓氏無聞遙遙千秋孰從而知之而稱之然則謝君之輯斯志其尤得顯微闡幽之意也矣故不辭而爲之序

光緒十六年閏二月贅翁亢樹滋拜譔時年七十有四



五畝園志餘後序

桃花隴居郡城西北隅當宋熙甯紹聖間園林  
水石之勝甲吳中建炎初兀朮蹂躪范文穆公  
在南宋時爲吳郡志已不知五畝園所在矣未  
幾而伯顏南下又未幾而淮張竊據元明兩代  
紀載闕如入國朝來承平二百餘年而宣義  
碑記出自土中旋燬於庚申之變謝君綬之懼  
其久而復湮也爲五畝園小志旣竣事客玉峯  
見城北遺民及木居士遺著易代之際聞見異

序三


詞足資參攷而桃隴之遺聞佚事存焉 朝廷  
開四庫館搜訪秘笈海內藏書家幾無遺漏嗣  
阮文達公又續進書目當時俱未采錄而兵燹  
之後其書始出歐陽文忠有言曰斯文金玉也  
棄擲埋沒糞土不能消蝕必有收而寶之於後  
世者況自宋至今忠義之士夫貞烈之婦女與  
夫故國遺老黃冠緇衣之行遜名不盡登於史  
傳事又不詳於志乘其精氣光怪常自發見豈  
非待其人而後傳而君適當其時耶會君以書

抵余喜得未見書約同纂輯因復刺取他書略  
依時代並考沿革間有辨正各綴案語而桃隲  
七百餘年之事實備具於此噫此小志之餘也  
抑自陸廣微朱長文龔明之以來遞相傳述之  
餘也異時修郡邑志者或有取焉余坵名其間  
爲識緣起如此吳江凌泗

序四

爲治縣政賦此史以爲志  
續史異和楚漢時有  
賦自劉鳳麟未身文  
于前續平之章實補  
府都外並等出平開  
如余高補未良書錄  
同纂輯因吳棟原書





五畝園圖

王起鳳寓

廣花桃

西邊海橋碼頭

北寺塔

街家漁

園弄

張長史

廟子祠

馬厰月

河橋家單

廣禮齋

桂香積舍內房

房雨申

房雨申

廣義齋

廣字

廣華寶

桐上高第 宮 呂文 桐王華閣

軒廊

花池

橋梅

軒廊

小桃

香

張長史治海園

廣三

廣

桃花

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

廣

五畝園小志

吳縣謝家福麟

園在蘇城西北隅介閻齊兩門之中

漢時爲張

長史植桑地宋熙甯間梅宣義碑誌

去漢張長

史治桑於此園以是名宣義築亭居之子子明

判杭州與蘇軾同寮嘗以白石相遺并寄詩云

仙人子真後還隱吳市門不惜十年力治此五

畝園初期橋爲奴漸見桐有孫清池壓邱虎異

石來湖龍敲門無貴賤遂性各琴尊我本放浪

人家寄西南坤敞廬雖尙在小圃誰當樊羨君

志一

欲歸去奈此未報恩愛子幸僚友久要疑弟昆  
明年過君西飲我空餅益紹聖中太師章棻家  
就其地築桃花陽別墅復擴而南明諸生呂恣  
又築采香庵小桃源於其中 國朝乾隆嘉慶  
間廢爲菜圃有梅姓者來自江右訪祖墓於園  
西人始識其舊地掘地得五畝園桃花陽碑記  
十餘種皆宋賢撰著又得觀音峰百靈台諸怪  
石高逾尋丈葉氏遂購其地於呂小築園亭仍  
宋明時梅鳴更好軒雙荷花池碧藻軒寄茅廬



拜石臺桃花鵑旃檀庵桂香精舍走馬樓鴨闌  
橋漁家街楊柳隄采香庵小桃源諸故稱祝元  
文爲作碑記朱榮庭原志道光時葉氏子好結客日  
游宴其中人稱葉家花園咸豐初家以中落鬻  
於潘旋遭兵燹光緒十五年以其地捐歸文昌  
宮輪香局

按張長史宋梅宣義碑誌不言其名有指爲  
張肱張霸張業張宏張嘉者其說不一考白  
氏長慶集云漢侍中張肱避地渡江始居於

志二

吳故其子孫稱吳郡人晉丞相嘉以孝弟聞  
其所居爲孝張里後漢書云張霸字伯饒成  
都人永元中爲會稽太守張業吳郡山拳人  
爲郡門下椽張懷瑾書斷云張宏字敬禮吳  
郡人篤學不仕善篆隸張嘉字子勝吳郡人  
官至光祿大夫善隸書未知孰是

梅鵬 炎宋時梅氏祖墓俗稱梅樹墳旁有更

好軒 原志

按蘇軾贈梅宣義詩云仙人子真後還隱吳

市門子真梅福之字一作子貞漢九江壽春人補南昌尉王莽時變姓名爲吳市門卒是爲宣義鼻祖或葬於此抑其子孫之墓無可考若梅堯臣字聖俞宣城人宋嘉祐閒仕國子監直講晚年卜築滄浪亭旁梅摯字公儀新繁人宋慶厯中知蘇州皆與宣義同時不葬於此

更好軒 宋楊萬里詩無梅有竹竹無朋有竹無梅梅獨醒雪裏霜中兩清絕梅花白白竹

志三

青青

原志

雙荷花池

西北通齊門河西南通閶門河旁

有碧藻軒

原志

碧藻軒

明唐寅詩畫堂基構畫船通碧水連

漪碧藻叢波弄日光翻上棟窗含煙景直浮空簾垂菡萏花開上魚戲闌干倒影中試倩詩人略評品不妨喚作水晶宮

原志

寄茅廬

宋梅宣義所築環列巨石窀有拜石

臺今稱爲寄茅場

原志



按蘇詩施註云宣義吳郡人子明之父子明  
爲杭州通判

拜石臺 宋蘇軾詩并引云軾始於文登海上  
得白石數升如芟實可作枕聞梅丈嗜石故  
以遺其子子明學士子明有詩次韻海隅荒  
恠有誰珍零落珊瑚泣季倫法供坐令微物  
重色難歸致孝心純只疑薏苡來交趾未信  
蠙珠出泗濱願子聚爲江夏枕不勞揮扇自  
甯親

原志

志四

按照甯六年進士梅灝吳縣人疑卽子明子  
明又嘗與黃庭堅倡和見山谷集中

桃花鳴 在寄茅之東顧翰記云宋太師章棗  
所構多栽桃李郡人游春於此宋范成大和  
章秀才北城新圃詩方游桃花鳴窈窕入壺  
天碧城當巖岫清灣如澗泉風月欲無價聊  
費四萬錢雪後春事起紅雲蜂蝶邊西城如  
西塞桃花古來多釣艇鰕魚肥前身張志和  
煙霏幾白鷺風雨一綠蓑清江韻新引清絕

勝陽和元陳深次韻子封承之游桃花陽詩  
閶門行樂送韶華閒訪城陰野老家黃蝶得  
晴飛菜葉翠禽隔浦啄桃花衡門倒屣臨官  
路古渡橫舟閣淺沙亦有詩人時一到醉吟  
行盡夕陽斜明唐寅詩花開爛漫滿村陽風  
煙酷似桃源古干林映日鶯亂啼萬樹圍春  
燕雙舞青山寥絕無煙埃劉郎一去不復來  
此中應有避秦者何須遠去尋天台姜採詩  
西北高樓地桃花滿目芳平橋開野圃亂水

志五

出金閭書畫唐寅宅香燈惠遠場烏台吾老  
友相見每顛狂

原志

按章棗字質夫試禮部第一宋元祐中知慶  
州夏國數爲邊患棗遣驍將伏兵敗之哲宗  
訪以邊事對稱旨命知渭州帥四路之師築  
城以逼夏夏主合兵圍其城棗遣輕騎夜襲  
之俘斬甚眾夏主乞和徽宗立拜同知樞密  
院事卒諡莊簡子緝字伯成綜字子京著有  
伯成集子京集各三十卷曾築桃花陽別墅



後人遂以名里

旃檀庵 在桃鴨之南宋慧遠嘗卓錫其地更築小廟舊有銀杏一株大逾抱蔭逾畝尙是宋時物原志兵燹後無存

按慧遠一作惠遠號瞎堂眉山彭氏子年十三隸藥師院爲僧旣依靈巖徽公微有省發會圓悟領昭覺院師卽之聞舉龐居士問馬祖不與萬法因緣師大悟東下屢居名利宋孝宗召見賜號佛海禪師

志六

桂香精舍 今其址爲輪香局丙舍

走馬樓 旁皆菜畦春日看菜花處原志舊有

楹帖集淵明石湖句云桑麻日以長桃花古來多今其址侵爲漏澤園

鴨闌橋 在雙荷花池北居民至今多養鴨者其西卽蔡家橋菱蕩秋初菱熟采菱歌與打鴨聲輒相應和雜以漁歌頗覺可聽原志

漁家街 在鴨闌橋畔西南有雙魚池長魚池占魚墩漁家故集於此原志

楊柳隄 園西北濱河河隄向植楊柳循隄而  
西卽蔡家橋後板廠爲蘇懷愚御史所築蘇  
家園顧雲龍所築多木園舊址明唐寅詩吳  
王城裏柳成畦齊女門前水拍隄賣酒當壚  
人袅娜落花流水路東西平頭衣襪和鞋試  
弄舌鈎輶繞樹啼此是吾生行樂處若爲詩  
句不留題 原志

采香庵 明諸生呂苾更築鼎革後苾改號辟  
穀道人遁居鄧尉山妙高峰僧庵築室曰朗

志七

吟谷 原志 葉氏改庵爲亭適與演武廳輪香  
丙舍相屬有楹帖云丙舍苟啟甲帳對楹

按呂苾字貞九弱冠能文爲婁縣諸生築小  
桃源於采香庵後爲退隱地會鼎革出家爲  
黃冠順治辛卯居清真觀禱雨遣祟靡不驗  
己亥入妙高峰辟穀經年游終南歸居靈巖  
甲辰五月望手書一詩而逝

小桃源 在采香庵後亦呂苾所築苾又築室  
靈巖山曰桴庵庵前多植桃樹亦稱小桃源



與此實兩地云

原志

采石磯 葉氏就掘取碑石處濬池築磯因名

采石

原志

周孝子堂 明嘉靖閒夏介若碑記云桃花陽

吳門最勝處也臺榭花竹園林蔬圃號稱極

盛入大營門數百步過雙魚池遶西而進有

地一方深廣二畝餘四圍流水界絕塵境又

陽中最勝處里人陳蒙輩建周神祠於上

原

志入附錄

道光閒兼祀明周忠介子諱茂蘭

志八

光緒六年邑令高公心夔重修之并析其字

爲三正祀文昌宥祀孝子及梁高士

按孝子諱容常熟人早失怙事母朱至孝爲

縣從事嘗有事於頂山得數粟奉母妻以他

粟進他日母以食孝子疑焉詎遣其妻尤好

爲義舉宋乾道時卒邑人祀之郡城建廟在

樂橋此其分祠也廟各有井居民有疾汲泉

和紫蘇莖葉煎湯藥者多愈子爲父母請者

尤驗歲以九月二十一日爲孝子壽

文昌宮 庭前有半枯柏羅漢松各一株皆明

代所植

魁星閣 在文昌宮之東卽孝子祠井亭舊址

孝烈泉 泉卽周孝子井同治癸亥吳興程烈

女殉節其中

按烈女字季玉吳興人工詩嘗詠費宮人句

云美人黃土等閒事略挽逋逃臣妾風賊至

隨父濟英陷城中者三年比蘇城復與父相

失偕奚姓媼匿桃花鴨打綫場懼兵掠毀容

志九

斷指女兄爲魁字營營務處鄭都閩所得居

周孝子堂逾月脅女去自縊被救不獲殊投

孝子井死作絕命詞遺媼以呈父云紅羊劫

運太離奇任是神仙也不知賊至不教同畢

命傷心偏在太平時人生難撇是耶孃踪迹

偏教兩渺茫欲報深恩無可報留將清白慰

高堂時同治癸亥十二月十二日卯刻也今

府志作自縊死者誤

梁高士祠 祠後爲仰高軒庭中有山茶一株



係國初物

按高士諱鴻字伯鸞漢扶風平陵人家貧尙節介肅宗求之不得易姓名挈妻子適吳依臯伯通廡下妻爲具食不敢仰視伯通異之曰彼傭能使妻敬如此非凡人也舍之於家後病卒葬要離冢旁舊祠在龍興寺間壁梁公章鉅所建今廢移祀於此

輪香義塾 嘉慶二十年胡君甯受捐建王兆辰作文記之道光二十七年夏廷榮凌程萬

志十

諸君擴充之同治四年蒯邑侯德模暨孫潤森諸君重振之石渠撰文勒碑

按廷榮字秋田父雨村客死楚北事母許至孝母沒至楚尋父喪神示之夢得負骨歸與母合葬道光中以孝子旌咸豐初舉孝廉方正十年省城陷自縊妻潘從之程萬字子青吳縣諸生率民團巷戰死

七人墓 光緒十五年築謝家福誌其墓云庚申城陷七人者死於井越三十年浚井得骨

遂瘞之銘曰乾坤正氣萃於一門千秋萬古  
七人墳姚孟起書丹勒石并在墓之東  
按七人者不知其姓字惟據虎穴聞見錄云  
北寺教場西有大家園亭爲偽硝粉營熊酋  
所踞掠鄰寡朱氏欲犯之寡繩其同居何姓  
之女美冀自脫且言何父貧甚大家曾許三  
百金買其女父不許女耻之欲自縊非可強  
逼者酋令媒說必生致之否則屠其同居者  
寡致辭父斥之去女度賊巢僅隔一牆必不

免佯許之密告父矢必死父乘間率女及妻  
子并投井朱氏度必爲賊屠從之死者凡七  
人

翁媪墓

光緒十五年築謝家福誌其墓云翁

媪童氏嘗守斯土毀垣者將及址禁之曰址

滅則界紊其毋毀今日不失尺寸土翁媪力

也旣死葬於此銘曰西北噩理實啟戎心天

子守土毋愧斯人封之埴之安且貞姚孟起

書丹勒石



按童翁名失考童媪氏李古至矣天不於

附錄小舟奉獻太志卷末徵凡對豈風

閔子祠祠在園東南數十步康熙二十六年

湯文正撫吳時移建於此原志咸豐庚申毀

於賊光緒己丑郡紳王鼎元等請於郡伯魁

公以閔子祠張少傅祠舊址歸輪香局管守

粵紳徐潤捐錢六百繕構屋園中分祀之

張少傅祠在閔子祠北園東僅隔一街祀宋

樞密使知蘇州府張公世傑今廢原志宋末

志十二

有公主流徙蘇州遂嫁張道人既鼎革隱居

采香庵有明景泰末後裔就其地捐建張文

忠祠屋有有田二十四畝魚蕩一區皆祠產

國初屯軍於此祠廢吳浣香故事錄

按少傅諱世傑米范陽人起自小校德祐初

總督府兵復平江諸城十月改制置副使知

平江尋召入衛加少傅樞密副使元兵襲屋

山公以小舟奉楊太后欲求趙氏後遇颶風

作公號呼曰我爲趙氏亦已至矣天不欲存

趙氏則覆我舟舟覆公死於海明追諡文忠  
寶華庵在園西與周孝子堂相聯屬相傳  
唐六如故宅實在於此有讀書閣夢墨樓已  
圯源志乾隆閒僧禪林道心重脩有屋十餘  
椽水閣環池頗極清曠按此即京兆劉氏園  
按六如名寅字子畏吳縣人明宏治戊午鄉  
試第一甯藩聘公往度有反狀佯狂以歸應  
世詩文不甚措意謂後世知我不在是晚乃  
皈依佛乘號六如治圃桃花隴卒年五十四

志十三

葬橫塘王家村郡志載六如舊宅亭閣與桃  
花庵本非一處後人以桃花庵爲舊宅者誤  
桃花庵一距寶華庵西南數百步明萬曆十年  
僧旭小構天啟丙寅楊大濬改爲準提庵浚  
池得唐解元桃花庵歌石刻祝京兆庵額因  
奉唐祝二公及文待詔像順治初雲間沈明  
生增構長甯池蓉鏡亭夢墨樓六如亭康熙  
時巡撫宋公犛增葺才子亭嘉慶五年知縣  
唐公仲冕增葺桃花仙館夢墨亭原志同治



開唐公翰題重修之

按大滌字子澄明吳縣人長洲尚書楊成子  
少從王敬臣游緼袍徒步徐行下視見非義  
色艱然不可犯事親誠孝丁巳戊午間民飢  
死收瘞枯骼以萬計居家訓子肅若朝典年  
逾艾危坐誦讀不輟疾亟衣冠肅然以手指  
心而逝私諡端孝先生子廷樞

志十四

心而逝私諡端孝先生子廷樞  
歐艾危坐誦讀不輟疾亟衣冠肅然以手指  
心而逝私諡端孝先生子廷樞  
少從王敬臣游緼袍徒步徐行下視見非義  
色艱然不可犯事親誠孝丁巳戊午間民飢  
死收瘞枯骼以萬計居家訓子肅若朝典年  
逾艾危坐誦讀不輟疾亟衣冠肅然以手指  
心而逝私諡端孝先生子廷樞

五畝園志餘

吳江凌 泗

同輯

吳縣謝家福

梅章迭興承平際宋靖康北狩戎馬南闕  
石湖闕文盧王莫賡曠七百歲蹟湮志成  
復承朋好枕祕津逮甄錄志餘網羅件繫  
洛陽伽藍東京夢華里乘是補懷古興嗟  
張平子衣冠墓 梅校理碑記

道君晚年得茯苓千枚於宮樹下皆成人形

志十五

北狩後宮親戚貴編管家奴軍妓外后妃等  
千三百人皇子等二十人肉袒於廣門外披  
羊裘及腹繫羶條於手二聖引入幔殿行牽  
羊禮宣赦肆赦二聖受爵服出有頃出鄭朱  
二后歸第已胡服出婦女千人賜禁近猶肉  
袒髻髯賜苓羣貴情景見普天同憤錄然鼎  
革時張平子墓中亦得成形茯苓數百未有  
所驗平子於漢初非命死葬衣冠於城北梅  
校理封樹之詳見碑記 燼餘錄



泗按子明官祕閣校理宣義爲園記疑校理別爲封墓之文惜乾嘉間掘得宋賢碑刻十餘種今不可攷矣

家福按漢制每州刺史一人郡太守一人丞一人當邊戍者丞爲長史順帝以前吳爲會稽郡屬邑卽會稽亦非邊戍不得有長史高帝時立溲爲吳王始置長史如制景帝削吳會稽豫章郡吳王先起兵誅漢吏二千石以下長史自在所誅中故云非命死并葬衣冠

志十六

立廟此平子或卽長史之名非衡字 又按燼餘錄城北遺民徐大焯譔遺民於元初居慶雲里卽今官廡巷見李灌溪先生書後

西漢夏侯湛碑 張平子廟碑

桃鵑中西漢夏侯湛碑張平子廟碑云是五畹園舊物今尙環列於功德祠之北頑石有知應動麥秀黍離之感 燼餘錄

泗按水經注西鄂縣有平子墓東側有碑文字悉是古文篆額是崔瑗之辭盛弘之郭仲

產並云夏侯孝若爲郡薄其文復刊碑陰爲銘然碑陰二銘乃崔子玉及陳翕耳而非孝若悉是隸字又言墓次有二碑今惟見一碑歐陽集古錄石刻有二一在南陽其文至凡百君子而止一在向城自凡百君子以上則亡矣卽洪氏隸釋謂今世所傳前後碑合而始能成文者也然集古兩碑皆無碑陰陳翕隸字而洪氏在歐公後得錄碑側夏侯湛文并爲酈氏所未見蓋是碑不止有兩刻歐公

志十七

跋於嘉祐八年而宣義爲園記在熙甯初中隔治平四年其時此碑已入五晦園歐公未及知耳洪氏據搨作釋亦未言石刻所在而吳中金石家遂無著錄可慨也孝若及事武帝時都洛陽此西漢當是西晉墓碑非廟碑皆傳寫之訛據碑文云行次西鄂書之碑側知正面有崔文故錄分兩碑而未詳其何時移置不可攷旣爲梅章家物應入吳中金石

志



書帶草廬

城陷年前慶雲里陳明叔家吉祥草梅園書帶草廬中帶草均長丈餘披拂及檐北兵至兩家多自經者太湖鼠千萬成羣登岸食稼不知自來亦一奇也

燼餘錄

靈芝石

丈人峯慶雲峯

三老峯擎天柱

觀音峯

五晦園舊有靈芝石高七尺縱橫八九尺石面平坦四旁若無數靈芝大小相疊嵌空玲瓏不假人力洵爲奇品亂後尙存又有丈人

志十八

峯高四丈今已折爲二其一頗似觀音象靜順道人依石結庵以祀之相傳兩石皆漢晉物梅校理又得石峯三高皆二丈餘名三老峯桃隴中亦有石峯二高可二丈一名慶雲一名擎天柱

燼餘錄

家福按閭門柳毅橋西有五峯園相傳柳毅葬處明爲楊莊簡成宅有五石峯各高二丈疑卽五晦桃隴移來爲時未久不載郡志

兜央亭

靜順道人宋公主也適駙馬戴氏臨安再陷  
徙避吳興爲亂兵所掠卒歸軍官張聿然卽  
少保族子鼎革後偕隱平江築采香庵於東  
荷池畔靜順結茅於西荷池畔削髮爲尼能  
畫蘭竹嗣有梅氏姊妹爲達魯百花所逼毀  
容依之築庵於寄茅故址清脩梵行未一年  
同時化去瘞於庵西外央亭址 禮餘錄  
家福按采香庵卽今張少傅祠址在園外街  
東其東有廣池殆卽東荷池 又按外央亭

志十九

址當在梅陽左右梅陽適當寄茅之西其地  
同又俗稱梅氏墳其名合 又按南渡後未  
有公主下嫁戴姓當是郡主縣主之誤抑宋  
史失載歟

慶雲亭

慶雲亭在東荷池東亭額爲岳少保手筆兀  
尤之難梅章園林鞠爲茂草亭以偏東獨存  
地接慶雲里東皆農田菜花黃時士女如雲  
文丞相徵時道出平江嘗題亭壁有一片黃



雲萬頃田江南父老慶豐年之句時張少保  
尚隨某軍府使令適亦過此兩賢相見自此  
始聿然都尉仰惟先德築庵於其間並奉丞  
相少保象爲惡少所控且誣誘匿梅氏女遂  
斃於獄庵象亦毀

燼餘錄

家福按聿然所築名采香庵見前宛央亭志  
府志有慶雲庵在報恩寺西宋元豐三年僧  
智倫建當別是一庵

吟梅社

雙魚放生池

千尺潭

志二十一

雲逸和尚惠遠僧裔住持旃檀庵三十年庵  
介梅章兩家別業雲逸能詩結吟梅社以延  
客社中梅子采南章子詠華效流觴曲水故  
事廣其庵前雙魚放生池以通五畷別業之  
雙荷花池桃隴別業之千尺潭北兵陷城雲  
逸猶駕瓜皮艇容與楊柳隄畔守堞兵散招  
之使渡雲逸奮起令結寨守兩日忽慨然曰  
毋苦眾生也自投雙魚池死兵遂潰然無倖

生者

燼餘錄

家福按雙魚放生池今稱雙魚池在園之南

功德祠

章申公有妻之喪殯於旃檀庵庵後有五畝園舊址漢張平子衣冠墓皆梅校理脩復者柳隄花鳴風物一新西南卽章氏膏腴地阡陌交通溪流縈帶廣七百畝諸公子顧而樂之廣闢池沼旁植桃李曲折凡十餘里仍桃鳴舊名又築走馬樓於五畝園西俯瞰園景厯厯在目暮春三月菜花油油黃金布地一

望無垠其西卽申公功德祠曲室洞房環列左右極幽雅之趣其後章子詠華遂藏嬌其中長曰碧桃工詩詞著有微波集次曰紅豆擅絲竹兀兀陷城時碧桃隨章子殉難紅豆被辱不能起火化於樓臺一炬中有婢春雪檢章子碧桃之骨歸葬於西崦山

櫛餘錄

家福按申公誤用章子厚爵號莊簡實封秦國公 又按開亭日記桃鳴之名不始宋宋范成大閬門泛槎詩有桃鳴論今昔之句唐



陸天隨且有桃花鴨詩行行間絕境貴與名  
相親空經桃花鴨不見秦時人願此爲東風  
吹起枝上春願此作流水潛浮蕊中塵願此  
爲好鳥得棲花際鄰願此作幽蝶得隨花下  
賓朝爲照花日暮作涵花津試爲採花士出  
作偷桃臣桃源不我棄庶可全天真云云考  
天隨此詩游包山桃花鴨所作石湖今昔之  
句亦泛論錄中稱仍桃鴨舊名乃不始於宋  
確証也 又按府志長洲縣報恩寺東有章

莊敏公祠公名秦涇原禦夏寇有功徽宗賜  
廟懷德軍額曰忠烈嘉定末其孫請立於此  
今爲天妃廟云蓋因功德祠既毀於兵故易  
地重建 又按章莊簡教子極嚴閉置一室  
故緯綽皆有文名子七人緯字伯成仕終戶  
部郎中所至有政聲晚年詩益高得唐人風  
綽字子京元祐二年進士范純祐以文行薦  
於朝仕終龍圖閣直學士綜通判常州稍知  
丹徒縣綽字君遂簽判西安州續字彥升簽

判蘇州縝不詳孫爰承奉郎蓋監蘇州稅均  
見府志錄中稱章子詠華未知所指何人

曠觀臺

藥闌

章園藥闌之西築曠觀臺鋪地皆五色石走  
馬樓上楹帖以翡翠琢成畫棟朝飛南浦雲  
珠簾暮捲西山雨十四字皆費千金亂後於  
瓦礫中得一雲字完好無恙

爐餘錄

清夏軒

西北邊患由夏而遼而金二百年來無虛日

志二十三

立邊功者申公爲最著渭州之捷西夏以定  
因名桃陽別墅之西軒曰清夏每過夏雨暑  
氣一清雙池荷花香風習習乘涼者必登此  
軒亂後軒毀壁間象石巍然卓立鼎革之際  
忽碑象中流淚如雨三日不止里人詫然驚  
異不旬日遂聞厓山之變

爐餘錄

正道書院

申公嘗延盧孝達先生以教其子設壇坫於  
桃陽別墅先生守康節邵子之緒諸公子個



儻風流不率其教席不暇暖而去僅正道書  
院一額傳爲先生所作

燼餘錄

菱池芟池

世稱燐火爲鬼亦云人骨所化章氏別業西  
北亂後皆叢葬地風瀟雨晦之夕常見燐火  
叢叢出沒於菱池芟池之畔有施氏子夏夜  
操舟釣於楊柳隄邊擊楫作歌忽有人和之  
曰綠楊隄畔白楊樹便是儂家藁葬處四顧  
無人惟見燐火明滅而已

燼餘錄

志二十四

讓漁池

長甯池

裨將趙秉中者蠡里人素業組織膂力過人  
兀朮陷城時隨眾下城擁至桃花鴨故與雲  
逸和尚相諭相約結寨以守秉中勇氣百倍  
眾皆聽命不炊許金兵大集飛矢如蝗秉中  
發霹靂弩相禦彈石橫飛百發百中金兵稍  
卻雲逸有徒習奇門術遂布六丁六甲之陣  
迷霧四塞敵倒植裸婦以厭勝秉中猝遇流  
矢投長甯池死死後輒爲厲過其地者每迷

惘入水中里人環池築牆鐫石額曰長甯是  
池本名讓漁爲桃陽別墅十二池之一 燼餘  
錄

家福按讓漁池今稱長魚池順治初雲間沈  
明生得長甯池於唐家園亦卽此池

小蠡湖 石舫

桃陽別墅有池名小蠡湖者中築石舫亂後  
僅存漁艇妓船依爲東道好事者爲供范蠡  
西子之位舟中人朔望頂禮增築兩椽題額

志二十五

者爲是野兎比翼之所書野航兩字以嘲之  
不半年基址悉圯說者謂有紉袴子曾逼朱  
氏女於此女固少寡也死於水他日紉袴復  
至遂遭陸沈之厄云 朱三官者周二娘之  
女故世家也宋末没入官故事官妓歲選十  
人各給身資十千五年期滿歸原寮本官攜  
去者再給二十千軍妓以勾欄妓輪值之歲  
各入值一月後多斂資給吏胥購代者於是  
軍伍掠婦女誣爲盜眷官司錄罪孥及於良



家婦之候理者固有宋第一批政二聖北狩  
後始革除鼎革後變本加厲北人强悍被戮  
死者十八九議復選於勾欄遂無敢公然攫  
法網勝人女似妓似眷得獨擅其利春秋佳  
日游船集虎邱桃陽者幾成海市易姓之際  
二娘不受異類辱死於井三官得避朱氏舟  
名噪一時官司口知之欲攫去三官守母訓  
竟沈於桃陽之小蠡湖亦烈女子哉 鼎革  
後城鄉徧設甲主孥人妻女有志者皆自裁

志二十六

不幸有母姑兒女牽繫欲求兩全者逃避無  
所俯仰無資竟出下策爲舟妓以舟人不設  
甲主舟妓向不辱身也虎邱桃陽之間遂多  
名妓皆良家子耳馮玉媛爲某宦聘媳李巧  
巧爲某學士女曹大娘爲某縣令妻沈二娘  
爲某牧伯寡妾沈德齡著小蠡湖水調歌虎  
邱游春詞詳記之於苦海中尋樂趣我惡其  
忍 爐餘錄

北兵之禍殺戮無人理甚至縛童穉於高竿射中其竅者賭羊酒亂後檢骨十餘萬葬於桃陽西北周書橋題墓碑曰萬忠鼎革後編二十家爲甲以北人爲甲主衣服飲食惟所欲童男少女惟所命自盡者又不知凡幾金芸樓室人周氏花燭之夕甲主踞之周以尉斗破其腦亦自經芸樓懼禍縊其旁越三年五月五日聯合省郡同殲甲主後里人收其骨葬於萬忠墓右表以石曰義夫節婦墓

燼

志二十七

餘錄

孫園 鍼壇座

孫園在桃陽西孫氏莊房在焉李侍郎殉國難族子茂苑年尙少誤爲皇孫被掠去後隨韋太后歸屢上封事請雪國恥忤旨削職遂之吳槁隱園中顏其室曰鍼壇座酒酣耳熱作普天同憤錄冀激昂忠義之氣因近誣讖將興大獄時茂苑已死其孫堯臣集金人亡國事作普天洩憤錄以求解流傳宮禁得官



未就奉母載酒日徜徉於柳隄荷蕩之間鼎  
革後自經死私諡孝烈按普天同憤錄四卷  
都有職位姓名時日地址可証不能臆造茂  
苑雖激烈不失爲忠臣座中但祀孝烈何居  
爐餘錄

家福按元微之寄白樂天詩孫園虎寺隨宜  
看不必遙遙羨鏡湖孫園之名由來舊矣

孤竹院 劉家祠

楊柳隄北舊有劉家祠萬竹圍環頗饒逸趣

志二十八

鼎革後有達官奉母攜眷避甲主之患勝於  
門曰孤竹院倩一僧持香火以令甲惟娼優  
隸卒僧道尼丐不隸甲下也事漸洩全家披  
雍不數月又下搜禁僧尼同居之令密捕逮  
至全家沈於井達官亦自盡題其壁曰死本  
我分求忠孝之兼全恩大難酬愧從容以盡  
節皇天后土實鑒此心妃子才人請子顯報  
口法入宮之日老僧瞑目之年怨氣未消露  
骨勿葬特不詳姓名爲憾 爐餘錄 達官當是

李堯臣先生妣子云云與普天洩憤記意相  
合詳見前卷靖康之變宮闈不可復問頗疑  
宋初授受未若唐代失德不應有此觀官妓  
軍妓之流弊亦大因果也元初甲主之害浮  
於官妓軍妓番僧演祕密法先生當無罣礙  
矣 李模按語 對山閣 蘇莊 吳下 水窗

天半樓

楊柳樓臺

對山閣

蘇莊

吳下 水窗

建炎庚戌兀朮南寇二月二十四日犯盤胥  
葑婁四門闔城居民麕集於城北土寨夜五

志二十九

漏兀朮破盤門入二十六日未明寨亦陷先  
驅兵士戮寨外次脅丁男歸獻金金盡殺之  
次斬老婦嬰兒於東北園積薪焚屍兀朮宴  
諸酋於天半樓遂踞寨三月朔始出闔門去  
初三日諸軍凱旋寨中慶雲庵旃檀庵報恩  
寺楊柳樓臺張家祠劉家祠梅園章園孫園  
蔡莊以寇巢燬婦女二萬餘人以從寇籍蔡  
隆興倡義瘞河中男屍五千餘女屍十一萬  
二千餘暴露男屍六萬二千餘女屍二萬五



千餘火化男女骨十五萬七千餘贖回營妓  
二千三百餘人周宣撫陷以通寇駢於市里  
人於蔡莊築庵祀之黃十二齡童衛母傷寇  
釘死臨頓橋門吳邑吏曹行謙以擊寇支解  
伶人呂巧以罵寇拔舌吳永年妻及姊擒酋  
投水雛妓朱素素碎盃自刎於甘節坊徐靈  
姐破兀朮首鬻割於天半樓張采姑掠入對  
山閣不屈墜樓死三女子從之失其姓劉士  
誠妻扼寇項入子城河死

節錄虞圖南沼吳

志三十

編

家福按天半樓楊柳樓臺對山閣當在諸家  
園中張家祠疑卽張平子廟蔡隆興庵疑卽  
隆興寺 又按宋制駐威果六十五指揮禁  
軍於報恩寺西全捷二十一指揮禁軍於城  
西北建忠順官寨於北寺後御前拱衛水步  
軍寨於北寺東御前游擊軍寨忠勁軍寨於  
北寺西元代就其地駐鎮守平江十字路萬  
戶府翼軍府明初移建衛所於飲馬橋後始

以其地爲教場沼吳編稱城北土寨及大營  
門之名實因乎此

隆興寺

家福按寺在桃花橋街隆興橋北相傳宋時  
敕建寺基甚廣桃花橋街口石柱卽其寺門  
然不載郡志亦無碑記可証僅存康熙戊寅  
冬月所立臨濟正宗二十四世東通果和尚  
石塔考府志津梁門隆興橋在桃花橋北宋  
隆興元年建意寺亦建於是時以祀蔡隆興

志三十一

陳逸民宅

者寺北有東蔡家橋西蔡家橋卽蔡莊舊址  
陳先生深字子微生於宋宋亡篤志古學閉  
門著書弟子受業者戶屢恆滿閣臣以能書  
薦潛匿不出學者稱甯極先生子植字叔方  
折節讀書有孝行更世變隱居桃花隴以琴  
書自娛辟召皆不起里人稱陳逸民宅

參金閫雜記

泗按深爲清全先生植亦稱慎獨處士見府



志冢墓門

家福按甯極先生有次韻子封承之游桃花  
陽詩已采入小志

能仁庵

蘇城能仁禪庵元至治初本中峯國師高口  
弟子法雲震禪師之所開建也歲久棟宇傾  
圯宣德間無心雲公始創大殿若干楹云云  
明成化元年乙酉河南開封府陽武縣儒學  
訓導長洲陳頎撰奉議大夫山西等處提刑

志三十二

按察使僉事彭城劉珏書丹 能仁庵脩造記碑

家福按能仁庵趙孟頫所書碑記見府志金  
石門今趙碑已失劉碑尙存

西門北門

至正二十六年十一月癸卯徐達圍平江達  
軍葺門常遇春軍虎邱郭子興軍婁門華雲  
龍軍胥門湯和軍閫門王弼軍盤門張溫軍  
西門康茂才軍北門耿炳文軍城東北仇成

軍城西南何文輝軍城西北四面築長圍困  
之不能下二十七年二月徐達檄俞通會兵  
通與吳軍戰於滅渡橋搗桃花鵑中流矢死  
史維義隆平紀事  
士誠於閩齊兩門之間另

闕西北兩門西門適對虎邱山北門適對大  
營門 祝元文識小錄

家福按高啟青邱集中載桃鵑送別詩云何  
地芳菲滿吳趨曲陌西藏金井漢壘種樹似  
秦谿未曙忽霞起過春猶絮迷葉聞渡江唱

志三十三

花憶映門題折時或傍水游處每成蹊偶來  
因送客腸斷有鶯啼又過城西廢鵑詩亂前  
游最熟亂後問都迷園散栽花戶林荒采菊  
蹊廢泉流圃淺斜日下雲低惟有煙中鳥迎  
人似舊啼青邱爲北郭十詩人之冠居其地  
生其時因附錄於此

西大營門 軍門

大營門在閩齊兩門之中相傳張士誠屯軍  
於演武場故名明人碑記中已有是稱國初



圈封民房駐防兵自婁門起別有東大營門  
此間遂稱西大營門云 識小錄

廢園

鎮煙亭  
樓鶴樓

鏡心池

聞香室

環翠軒

廢園在桃花陂明永樂初養真老人沈均遜  
跡之所有鎮煙亭鏡心池聞香室環翠軒樓  
鶴樓諸勝園居雜詠云落木蕭蕭一廢園妙  
無風景耐盤桓主人若識無中趣纔見先天  
理數原蒼松翠柏自春秋長使幽人供臥游  
金谷園中桃李豔歲寒時節著花不 識小錄

志三十四

沈均生於洪武建文間成祖登極隱居不仕  
精研宋儒之學躬行實踐於儒釋之界辨別  
尤嚴所居在閩門桃花陂至今其地猶稱沈  
家街 府志  
家福按廢園舊址國初歸我家乾隆初曾王  
大父怡堂公改築來燕堂賦雪草堂書葉軒  
諸宇潘先生曾沂功甫小集有過來燕堂奉  
先從祖奕楷公詩余先生治尊小學齋集先  
君子傳有自是每至蘇恒下榻賦雪草堂語

陳先生希哲題額云來燕堂之東有紅柿一本盤鬱四映主人闢堂構數楹顏其南軒曰書葉相傳紅柿係明代物歸我家時已枯復蘇又家福所居望炊樓卽棲鶴舊址云

### 袁家宅

袁袞字與之輕財好施潛心讀書不喜浮屠老子之術晚築室桃花鴨抱膝長吟於聲勢迫如也著有東窗筆談括囊稿

堯峯文鈔

泗按沈家街北有袁家宅

### 志三十五

### 陸氏橋林

陸先生俸字天爵正德辛未進士官刑部郎中抗疏諫武宗南巡廷杖被謫府同知後復官刑曹持法不避權幸出爲寶慶知府有惠政尋棄官歸隱桃花鴨種橘成林有故人來訪俸方戴笠荷鍤接簡而入易服而出晚爲詩歌多不留草偶有存者入列朝詩選子自得舉於鄉授肥鄉令有政聲

乾隆志參金閫

### 雜記



家福按橘林舊址相傳在貝信二先生寶墨  
庵及錢江會館之間

韓衙莊 福田庵

韓先生世能字敬堂誕時母夢佛降少慧若  
成人讀書桃花鴨莊房隆慶間成進士使朝  
鮮侍講筵仕終禮部左侍郎恂恂若寒素人  
稱韓佛子事親至孝以舊居及田圃捨佛寺  
承邢太夫人遺志也今其地猶稱韓衙莊

閭雜記

家福按福田庵於同治間脩築佛殿曾得敬  
堂先生神位於階下青石所鐫雕琢極工歸  
諸婁門韓氏義莊是庵卽先生舊居無疑

唐家園 蓉鏡亭 六如亭

園在閭門內桃花鴨唐解元寅所居徐應雷  
唐家園懷子畏詩借問桃花鴨新栽幾桃樹  
園中老樹根昔人箕坐處盛暑斷不出門外  
有車馬公卿排闥入裸體松竹下名士故逃  
名誰與共明月夜來聞叩門知是祝希哲漫

應千金聘笑擲千金裝空手歸故園政值菊  
花黃不買青山隱卻寫青山賣物外有知心  
人間徒問畫百城煙水  
泗按府志引百城煙水云順治初雲間沈明  
生徙蘇得之構亭臺植竹木有池曰長甯跨  
池作亭曰蓉鏡又有夢墨樓六如亭桃花庵  
明生精岐黃當時稱國手百城煙水無此文  
不知府志何據其牽涉桃花庵濫觴於此  
家福按府志唐解元寅宅在桃花陽後僅存

六如古閣又有桃花庵改準提庵是庵與宅  
本非一處庵在寥家巷內宅在五畝園西今  
寶華庵卽明生所構之唐家園也原志以長  
甯池諸勝屬桃花庵茲特考正

夢墨亭

唐子畏乞夢仙游九鯉神夢惠之墨一擔終  
以文業名因作夢墨亭祝枝山允明有記

湧  
幢小品

家福按孫星衍桃花庵碑云吳郡西北有桃



花陽方志稱爲宋樞密章彙別業明唐解元  
寅築居於此有夢墨亭今考桃陽別墅及唐  
解元宅皆在桃花庵北亭亦當在庵北沈明  
生構夢墨樓於唐家園殆卽此亭舊址

檢齋

秋香事實吉氏子冒六如盛名而得之事聞  
於六如謂生平知己無逾秋香因誤人自誤  
深自尤悔杜門不出讀近思錄者一月顏其  
室曰檢齋作檢齋詩云檢束斯身益最深檢

志三十八

身還要檢諸心鞠躬暗室如神在恭已虛齋  
儼帝臨視聽動言皆有法盃盤几席盡書箴  
遙知危坐焚香處默把精微義理尋蒲藩聘  
至遂復出佯狂以歸始課佛於桃花庵

瑣錄

慕栖庵

芋香禪室

書卷閣

庵在桃花陽北寶誌庵右明萬曆末建西偏  
深竹中有禪室五楹康熙己巳紺池涓禪師  
購以退隱顏曰芋香尤侗過芋香禪室詩曰

中久不見筠公茅屋新詩近益工有句何如  
無句好開窗試聽利竿松宋實穎聞紺公移  
錫慕栖庵詩瓶鉢飄然挂遠林一枝何必入  
山深浮雲過眼煨殘芋乃見孤雲野鶴心余  
懷訪紺公新舍詩野鶴蹤無定今來臥遠林  
淡交存古道麗藻出禪心清磬穿珠樹深燈  
照玉琴虎溪閒送我歸路轉花陰百城煙水  
家福按庵在園西北蔡家橋東北俗稱麻雀  
庵今廢

志三十九

準提庵

跳唐樓  
培蓮室

度雲橋  
擊竹軒

瘞文冢  
醉月灣

然燈塔

明天啟間楊端孝奉準提象於桃花庵因易  
今名蓮峰上人嘗卓錫於此作準提庵八詠

桃花鳴云鳴在桃何在春來感倍生野田芳  
草綠古樹夕陽明世事空陳蹟人仙浪有名

可憐紅粉面猶自覓流鶯跳唐樓云水雲卑  
濕地先達愛居樓高築平江上名因一跳留  
六如先生跳樓避客

軒窗環綠沼花柳接芳

洲我豈口官寺投閒老便休度雲橋云橋接



金閭路時聞玉佩音我無通世術誰識度雲

心來去不留迹朝昏空復尋江邊山外夜寒

集草堂深瘞文冢云七子庵邊墓

準提庵亦

名七子庵

殘碑記六如文章何日瘞煙草有

誰除流水空鳴咽浮雲自卷舒人傳明月夜

光燭斗牛虛然燈塔云爲問同觀者生平見

未曾半窗寂閨處一塔萬千燈香靄迷金殿

清輝散玉繩儼然從地湧坐久不知層培蓮

室云擬結東林社還培曲港蓮清香盈丈室

志四十一

不藉散花天九品觀初就一生行始圓紅衣

飛動處日鼓向人懸擊竹軒云一擊忘所知

更不假修持此語憑誰委香嚴是我師臨軒

無俗韻對客動禪思聲色威儀外非關耳目

遲醉月灣云水與月如是先生醉醒無夜臺

應見覺春漲滿菰蘆鷗夢光偏遠吟懷影自

孤澄波涵皓魄曾不費招呼

閒亭雜記

家福按蓮峰名超源錢塘人著有未飾集雍

正庚戌 賜紫衣

胡太守碑碑在縣西張善普為縣令實之然景

唐六如課佛於桃花庵晚年悔其少時所作  
瘞於庵之北戲表其塚曰此卽唐六如之墓  
實瘞文冢也見梓庵雜記今好事者目爲六  
如葬處且爲胡纘宗墓碑以實之若不知有  
橫塘王家村之墓亦奇金雲門女士禮羸桃  
花庵詩云撩亂長明一棧燈準提庵院賸殘  
僧桃花死占仙源福好色生參佛地乘醕酒  
婦人三了語韁名鎖利一纏藤書生亦有冬

志四十一

青樹不獨唐衢哭六陵自注云聞真墓在橫塘此爲疑冢閒亭雜記 余少聞長老議商邱

宋先生修桃花庵事以爲庵乃伯虎生平讀  
書處其墓別在橫塘而胡纘宗墓石出於是  
者疑桃花臨地當闔閭或當時刻工在焉刻  
成未立而遭變入土以故未三百年復犁而  
出爾是說也徵於鄉舅父之母之義也 王道

孫淵雅堂文彙

蘇軾詩集卷之九

泗按閒亭雜記好事者爲是碑以實之然是



碑出土時宋中丞親自臨察真贋之蹟當時  
必有辨之者疑楊甫先生之言故老相傳爲  
得其實寒風交茶投百棗春彩短許小字  
天章閣景高世土源熙爲惜木補對錄  
閣中有石刻瓶圖吳中愛香吳人畫吳  
高宗純皇帝御製桃花鴨詩春日桃花滿鴨披  
六如圖尙有遺詩長歌擬仿樂天白白俗謂  
他信過之桃花鴨爲唐寅舊居自題桃花庵  
長歌其意欲仿香山詩昔人卽有白俗之譏

志四十二

若寅詩則更俗而近於俚矣識小錄

家福按閣卽準提庵桃花仙館之樓道光時

圯改建平屋唐寅桃花庵歌刻石尙存壁間

高泗謹按乾隆二十七年壬午南巡蘇州

御題唐寅桃花庵圖吳中愛看吳人畫況是吳

人畫最高世上祇期爲散木庵前疑復綻新

桃松風寒處安茶銚石凍春深試酒槽七字

志懷頗見道愛其善亦懶爲何況惡富非所

望不憂貧語不墮書畫家習氣甯云溪壑

興堪陶四十五年庚子南巡題明人西山勝  
景書畫合璧冊十首春日桃花滿隄披乃第  
九首題陳淳桃花鴨也又四十九年甲辰南  
巡再題明人西山勝景冊陳淳桃花鴨云陳  
淳筆寫桃花鴨密樹遠山景倍清今卻城中  
爲鬧市致疑伯虎昔傳名閣中石刻當是壬  
午題唐寅桃花庵圖七律若庚子題冊詩乃  
題陳畫非題唐畫且在西山勝景冊中敬繹  
甲辰詩意必非城中之桃花鴨不解識小錄

何錯訛若此

楊忠節像贊石刻

維南有斗篤生偉人讀聖賢書爲明忠臣聿  
自諸生首捍璫禍解領陪都名高復社矯矯  
風節巖巖德容東南夫子蔚然儒宗位微而  
彰道一以貫漢之林宗晉之元晏中原旣裂  
慷慨撫躬請纓志結借箸謀工甫遭陸沈旋  
邁鼎革殺身成仁從容不迫象賢伯起繼踵  
文山揮映千古氣塞兩間稽紹衣紅萋宏血



碧遺象同瞻傳之無斁

王揆題贊

家福按忠節諱廷樞端孝先生子遺象及王藻儒相國題贊嘉慶八年吳邑令唐仲冕勒

石準提庵

### 九娘墓

九娘者傳稱六如姬人葬桃花庵後金雲門女士禮羸桃花庵詩大羅天上竟無名浪飲何分酒濁清龍虎榜高遭鬼擊死央塚小被人平碑留死友胡中議情迫窮交祝允明踢

志四十四

盡繡鞋共上土踏青時節拜先生自注宛央句云九娘墓爲上人所佔

識小錄

### 多木園

在寶城橋北明士人顧雲龍所築中多喬木

故名

盧志

### 蘇家園

北園卽蘇家園明御史蘇懷愚所築在閭門內後板廠後爲李模園今皆夷爲菜圃爲郡中菜花最盛處沈朝初憶江南詞蘇州好城

北菜花黃齊女門邊脂粉膩桃花鴨口酒卮  
香處處弄笙簧蔡雲吳歛百絕云北園看了  
菜花回又蚤春殘設餞盃此日無錢堪買醉  
半壺豔色倒玫瑰楊韞華山塘櫂歌云北園  
春盡菜花香野蝶飛來都變黃歸棹齊門看  
落照紅燈一道出山塘

清嘉錄

### 汪公祠

在桃花鴨祀明浙江巡撫汪起鳳 國朝編  
修琬琰份教諭鈞中允士鉉醴泉令俊皆祔

志四十五

### 祀今廢

府志

家福按起鳳字來虞官廣東左布政時魏忠  
賢遣私人諷建生祠不從矯旨勒罷祠在桃  
花鴨汪家墳前墳葬前明處士汪得見府志  
冢墓門

### 貞烈祠

祠在西大營門祀明張應奎聘貞女沈氏崇  
禎間建 石志 沈氏女許字張應奎未婚應奎  
死哀慟自縊以救免聞母有他約遂斷髮割



右耳爲誓及應奎葬衰經往送命爲穴於旁  
曰吾終歸於是年六十八卒知府蔡國熙聞  
於上表其間 乾隆志  
家福按貞烈祠石志有馮志無惟載長洲縣  
亨三圖報恩寺東有張明公祠祀宋橫渠先  
生張載並祀父殿中丞廸於寢又公裔孫張  
應奎聘烈女沈氏亦祔祀明萬曆三十六年  
建已廢云明公祠中爲祔祀西大營門實專  
祠府志似不應刪

志四十六

淡齋庵

太子南來予先入某降王詭以襲我之說不  
敢決是非淡齋庵尼真修備述見聞確鑿無  
疑有非外廷所得知者馬阮之內尙足食耶  
真修選侍南都進嬪位被掠至清江以病棄  
隨福邸舊伶徐小九歸蘇徐死營梵宮爲女  
僧天昏地暗悲乎慘哉 木居士憤言

家福按庵在韓衙莊今析其西屋爲靜心庵  
及胡氏宅

四畝田

陳圓父邢三住四畝田生圓時羣雉集屋因呼爲野雞母姨陳俗所稱賣瘦馬者母歿依之遂陳姓歸三桂後賊將掠獻闖使侍太子闖敗歸太子及圓三桂怒爲太子侍罷五月朔迎立義興之議此太子自言當時竊疑之後見王永章天崩地坼記信然一朝興廢實繫此雉苟有前知滅此禍水

木居士憤言

家福按四畝田在後板廠今建寶藏寺

志四十七

密庵舊築

桃陽草堂

芥閣

老和尚堂

密庵舊築在閭門後板廠爲李侍御灌溪公宅後圃內有桃陽草堂及芥閣諸勝旁有庵曰能仁元建李模新掃密庵舊築詩昔日深深意今依幻住身蓬蒿迷若醒竹柏故猶新小得蜘蛛隱居惟鐘磬鄰掃苔迎古佛竺國備道民張適桃陽草堂詩桃陽草堂靜花殘不辨名正愁連月雨卻喜一朝晴望自東山重尊開北海清風流人似晉乘醉句同賡孫



陽芥閣書懷詩新年小閣俯金閭碧樹圍環  
水一方積雪擁門容我嬾鮮衣爭道看人忙  
春臨勝地逢場戲天與閒身任意狂莫怪世  
情疏淡甚此生曾閱幾滄桑百城煙水順治  
十六年海寇作亂蘇郡有駐防之師領兵將  
軍祖大壽圈封民房以居兵自婁門直至桃  
花鴨寶城橋止聽出後廠一隅緣後廠李灌  
溪模曾任明兵備道時祖尙爲微員有事當  
刑李解救得免祖故以此報之顧丹五筆記

志四十八

和尙姓李諱模字子木號灌溪天啟乙丑進  
士以御史巡撫真定左遷南京典籍福王起  
復原官見馬阮用事引疾去留都不守遂改  
緇流裝遯跡吳閶後板廠南沒後吳人建祠  
奉香火顏曰老和尚堂秦雲題遺象詩野鶴  
閒雲世豈忘南都花月付滄桑英雄飄泊逃  
禪老臣主荒唐視國亡半壁河山驚鐵騎一  
身衣鉢寄金閨十三陵樹悲風雨溼徧袈裟  
淚幾行伏鸞堂詩牘

泗按老和尙堂卽先生故居見吳江沈曰富  
受恒受漸齋集中 又按孫暘字赤厓常熟  
人著有蔗庵集順治丁酉舉人科場事牽連  
與吳漢槎兆騫等同戍尙陽堡晚年歸移居  
芥閣亦桃陽寓賢也

家福按灌溪侍御尊人名吳滋字伯可號如  
穀又號百穀其先太倉人嘉靖間避倭移居  
桃花陽登萬曆四十七年進士歷官至湖廣  
副使所至有政聲而樹德於桑梓尤深著有

志四十九

鳳棲閣集見五百名賢圖傳

慈氏庵

庵在桃花陽北順治己丑德風傳法師建師  
諱書傳字德風吳郡人俗姓陸崇禎戊辰薤  
染堯峰後侍中峰蒼法師習賢首宗順治己  
丑念生母張年老兩兄又先逝乃買地築庵  
養母蒼公題曰慈氏闍一紀母亡壬寅冬合  
葬於庵北且戒其徒以明日吾歿當從父母  
於此不必別營塔也李侍御模撰塔院碑記



百城煙水

家福按庵在桃花橋街北李侍御碑尙存

撫松館

乾嘉間桃陽姚君逸亭收藏碑版甲吳中宋拓九成宮多至二十餘冊其他稱是寒士以碑版售者稱其所需不論值所費十餘萬金家有古松一株明代物因名度藏之室曰撫松館 如是我聞

繡谷園

交翠堂

西疇閣

倚梧巢

蘇齋

志五十

園在閭門內後板廠朔州知州蔣深築有交翠堂前西疇閣稍偏倚梧巢又西蘇齋前後池水映帶花藥環之堂中儲書數千卷前人名蹟數百冊石刻之精美完好者尤夥嘉慶中爲葉河帥觀潮所得道光初歸南昌謝觀察學崇後爲婺源王都轉鳳生所居 府志參王昶春融堂集 排日餞春春欲歸櫻桃紅綻筍鞭肥一聲啼鳩驚芳草繡谷園中游客稀蔣氏繡谷園乾嘉時名人爭爲餞春之會篇

詠流傳至今云

袁學瀾吳門竹枝詞

家福按五百名賢圖傳云蔣燦字弢仲居後板廠崇禎元年進士初令餘姚有政聲調上蔡流寇不敢犯歷天津兵備參議道繕城作臺保全糧餉以蜚語戍福建赦歸明社屋矣杜門養母母沒哭泣成誓有雉園詩文集弢仲先生當與蔣朔州同族附錄備考學業晉泗按弢仲先生之父育馨清流知縣以廉惠稱辛又按春融堂集深子仙根貢生工書乾

志五十一

隆辛未南巡恭繕御製盛京賦丁丑南巡繕漢王褒聖主得賢臣頌兩蒙文綺之兼賜孫業鼎字升枚長洲諸生書法承家學業晉以舉人爲河北同知工詩著有立崖詩鈔

張令儀弔鶴詩

以畫品及圖致其神四城墨矣

五畝園舊蓄五鶴忽隕其一孤侶哀鳴都忘飲啄詩以弔之西風一夜返芝田仙蛻儀型尚宛然舊過蒼苔猶有跡重來華表是何年獨臨池畔悲孤影唳入秋空泣暮煙何處惹



人情最切嚴霜落葉五更天 國朝詩別裁集

家福按令儀桐城張文端公長女姚相門室

著有蠹窗詩集

吳氏義莊

莊在桃花鴨國朝嘉慶十六年吳振鐸承其

父文垣遺志淑建並捐置田六百四十九畝

同治中曾孫邦勳等重脩並增置田二百九

十畝

藕舫

南埭草堂

志五十二

陳君葵一家桃花鴨之楊樹園舍北有隙地

疊石疏池中築一室曰藕舫頗極雅致粵逆

陷江甯時江南尙未設防人情騷然葵一語

家人曰賊旦夕至宜亟從容就義妻程氏女

大姑慷慨從之各整衣冠祀祖先死於藕舫

之井時咸豐癸丑二月四日也越庚申四月

十三日城陷倉卒自盡未及殊絕者類遭奇

辱始信陳君爲有見

家述參攷庵筆記

家福按藕舫之南有南埭草堂其名蓋取諸

石湖詞宋范石湖成大重過桃花鴨題千秋  
歲一闕云北城南埭玉水方流滙青樾裏紅  
塵外萬桃春不老雙竹寒相對回首處滿城  
明月曾同載分散西園蓋消滅東陽帶人事  
改花源在神仙雖可學功行無過醉新酒好  
就船況有魚堪買又陳夢弼三聘和作云當  
年漁隱路轉桃溪滙流水下青山外客行花  
徑曲月上松門對撐艇子雪中蓑笠親曾載  
老去誰傾蓋腰瘦頻移帶人健否花仍在明

志五十三

年春更好來向花前醉青鬢改任時難拚千  
金買

存義堂骨冢

蘇城西北隅桃花鴨後有存義堂爲結帽纓  
者公所旁置殯舍數楹歲旣久積棺且千餘  
咸豐十年庚申粵賊至悉斲而攫之去屋亦  
毀纍纍白骨叢雜於瓦礫灌莽中城復後雖  
循掩骼故事弗遍也知其事者憫之迺雇工  
發土拾殘骸貯以甕骸具者樽斂之已復四



出搜檢獲者百五十有二樽者十有六卽其  
地坎石塹之高七尺徑十五丈始事於同治  
五年丙寅八月訖事於十一月凡糜金錢十  
六萬一千有奇皆出之好善者石子曰此義  
舉也不可不記爰述顛末且告有子孫之來  
尋訪者知其事者王孝廉鼎元彭孝廉福保  
黃茂才禮讓姚茂才孟起也 石渠撰碑  
家福按冢在寶誌庵西慕棲庵北其地故爲  
問心庵道光間歸存義堂作殯舍亂後屋圯

志五十四

築冢立碑今碑失而冢存

長洲張恭壽

元和方策

同校

桃陽百詠自序

班孟堅志漢地理後溯源十五國風其於今昔遷變之由引詩以爲證後世詠古之作輒軒莫采郡邑志依類編增而章氏學誠論志例宜別爲文徵一編與志書相輔而行蓋猶有班氏遺意焉謝君綏之輯五畝園小志及志餘徵題於余嗚呼宋自熙甯以來新法初行邊釁已兆而中原宴然吳中尤繁盛當時梅章兩園題詠必夥迺世所傳者僅蘇范二詩然蘇自杭寄題范

百詠序

作於喪亂之後明高氏啟姑蘇雜詠獨不及梅章勝蹟世變迭更遺書零落獻之不足文於何徵今去高氏又將五百年矣謝君於煨燼之餘網羅放失余得因是以成百詠而於桑海遷流忠孝節義之事尤三致意焉謝君不以爲不足存且謂與志相發明別爲一卷增刊志後用章氏之例補高氏之闕若與高氏論工拙也則豈余之所敢出哉吳江凌泗磬生識於桃陽賦雪

草堂



桃陽百詠

吳江凌 泗馨生著

吳縣謝家福綏之註

五畝園

漢園

張長史植桑地宋梅氏以此名

五畝宅樹桑王政百世俟成都諸葛公吳下張

長史

張平子墓

在鴨闌橋北漢初葬衣冠於此家福有案

南陽阡尚存橫塘木亦拱寂寞桃陽中前後兩

疑冢

今南陽府南陽縣南有西鄂故城

百詠一

夏侯湛碑

宋梅園物入章園文載洪氏隸釋卷十九泗有碑攷

石泐隸釋存孝若文可讀六一集兩碑但知崔

子玉

梅陽

在梅園西相傳為宋梅氏祖墓

子真尉南昌亦隱吳市卒仙裔兩地居華表鶴

猶識

梅宣義碑

嘉慶間梅園出土宋碑宣義園記蘇詩其兩種也咸豐庚申燬

宣義宋官階

施注蘇詩宣義名失攷

記中名字署青門見

此碑應補元之注

宋牧仲撫吳得宋槧施注殘本邵長蘅為校補刊行時碑

未出土

蘇詩石刻 姚君鳳生得舊拓本摹刻

子明判杭州太守贈墨翠重摹亦有緣家世本

三瑞 府志熙甯六年進士梅灝按續通鑑長編元祐元年六月張璪舉梅灝十二月灝為

祕閣校理晁補之雞肋集有送梅校理子明通守詩劉貢父彭城集有承議郎充祕閣校理梅

灝通判杭州制則灝即子明也時蘇為太守

寄茅廬 宣義築泗按疑本作亭東坡寄題園亭即此

天地一茅寄桑海一更衣杜陵不可作寒士誰

與歸 東坡寄題詩敲門無貴賤遂性各琴尊想見宣義好客

百詠二

拜石臺 在寄茅旁

異石來湖黿 蘇句袍笏禮容肅事在米顛前何況

顧金粟 元顧阿瑛有拜石壇記

靈芝石 諸石皆梅園物

茨石遠甯親東坡僚誼厚可惜石芝詩不為梅

丈壽 東坡有兩石芝詩一夢中所見一與子由同食

丈人峰

新法方盛行石隱計亦得閑閑五畝間丈人拱

而立



三老峰

尋丈勢千里三峰皆崢嶸於山為太華於人為

桓榮

觀音峰 宋亡公主靜順道人依石結茅

趙家一塊肉首陽一拳石南海不可填一佛世

間出

雙荷花池 梅園東西二池

北通齊女門南引金閭練髣髴裏外湖采蓮分

兩面

百詠三

更好軒 在梅鵑旁

綽約藐姑仙天寒倚翠靚好唱誠齋詩髣髴聲玉

遂冷

宛央亭 當在梅鵑左右

雙樹梅花落花飛淨土香至今亭畔水不戲野

宛央 梅氏雙貞葬此

書帶草廬 宋屬梅園

書帶高拂簷琳琅倒金薤此亦康成廬黃巾不

知拜

慶雲亭 在東荷池東

武穆精忠貫文山正氣靈金源不敢毀野史一

荒亭 岳少保題額文丞相有詩

采香庵 在東荷池畔宋張聿然築

蘭佩集容裳荒庵禮國殤吳兒真木石錯認莖

蘿香

碧藻軒 在西荷池旁

蕩漾水晶宮影落中流倒東西南北蓮魚戲在

井藻

百詠四

桃花鴨 宋章莊簡公別墅

南章拓滄浪北章闢桃鴨滄浪清到今桃花不

如古 龔明之中吳紀聞子厚丞相家州南質夫樞密家州北吳人號南北章

清夏軒 莊簡築下數處宋屬章園

有宋論邊功第一數平夏胸中有甲兵小范亦

吳下

曠觀臺

高臺俯全城登臨一灑酒可憐南渡後又見麋

鹿走



正道書院

道誼闡江都安樂親康節題榜衍薪傳遺墨猶  
波磔盧孝達題額

莊簡功德祠

綠野做華堂畫錦未歸第遺象肅清高猶爲崖  
山涕

走馬樓

西北有高樓黃花散金地華屋莽山邱一掬陳  
思淚今爲義冢

百詠五

天半樓

記曲憐紅豆焚詩殉碧桃年年花落處猶似墜  
樓高章詠華及碧桃殉節於此

對山閣

坐對海湧峰高出城譙櫓翠琢子安聯棟雲簾  
捲雨西見虎邱珠簾暮捲西山雨恰合情景

千尺潭章園十二池有此三處

春漲碧粼粼桃花幾度春年來潭水淺不敢較  
汪倫

讓漁池

殺賊能爲厲池邊慘陣雲長甯今已改猶說趙將軍

建炎之難趙秉中投池死

小蠡湖

蓮胎得貞性生小出淤汙浪說湖名蠡羞隨范大夫

朱節婦周貞女死湖中

石舫 在小蠡湖中

宛在水中央紅闌白石舫合唱定風波不遣船

孃盪

百詠六

慶雲峰擎天柱 章園物

糺縵歌慶雲國家安柱石一笑奇章公品第徒

甲乙

楊柳樓臺 當在梅章園中

楊柳春猶綠樓臺蹟已湮蓬萊幾清淺誰記建

炎年

菱池芡池 在章園西北

采菱復采芡暮雨冷荒渚驀聽鮑家詩青燐作人語

建炎之難死者叢葬其旁



鳴闌橋 在西荷池北當屬章園

我鄉鳴闌涇天隨遺蹟舊臨頓近幽居倘來看  
鳴門

漁家街 在鳴闌橋畔

春水釣鰕肥秋風聽蛤吠一曲漁歌子西城如  
西塞 石湖句

楊柳隄 在橋西

聽唱柳枝曲姑蘇按景題鈍庵吟不到只說白  
公隄 汪琬有姑蘇楊柳詞二卷

百詠七

旃檀庵 在章園南宋僧慧遠建

瞎堂參馬祖萬法悟真幻此是香燈場憑弔姜  
給諫 香燈慧遠場給諫句也

吟梅社 在旃檀庵宋僧雲逸建

蓮社舉義旗清池葬詩骨含笑語靈均梅花補  
騷闕 離騷草木無梅花

雙魚放生池 在庵前

非我亦非魚無生亦無死南華濠濮觀西方功  
德水

孫園 在章園西家福有案

辟疆東晉曰孫園盛唐時贗刻况公記何如元

九詩

嘉慶丁卯况太守辟疆館記石刻出西米巷如意庵中黃堯圖審為偽贗

鍼墮座

在孫園宋李茂苑槁隱地

行酒呼青衣普天憤莫雪家國兩茫茫隱痛逾

杜錫

劉家祠

在楊柳隄北泗按當是劉公祠祀唐蘇州刺史劉禹錫虎邱五賢祠

蘇文忠

蘇文忠軾向直鎮劉刺史祠並祀唐史官劉知幾郡城中不應無專祠

百詠八

循蹟同韋白詩人合祀吳桃花遭亂盡又是觀

元都

孤竹院

在劉祠宋李堯臣死節處

孤竹無噍類求仁怨未伸若非老和尚誰識李

堯臣

里人稱李模為老和尚

萬忠墓

在章園西北叢葬建炎間死難者

叢骨亂開花啾啾聚夜哭越三年重五萬忠一

瞑目

義夫節婦墓

在萬忠墓右葬金芸樓夫婦



萬忠知何人夫婦姓名見脫脫無史才不入節

義傳

隆興寺

在桃花橋衙宋祀蔡隆興家福有案

公義祀隆興私識橋與寺名借改元初事為宣

撫諱

慶雲里

在慶雲亭東元初城北遺民徐大焯所居今官庫巷

井底藏心史江邊哭釣臺董狐遺筆燼誰更續

南雷

梨洲黃氏宋遺民錄詳於浙我邑董夢蘭先生兆熊廣宋遺民錄搜羅極博咸豐庚申藁燬

百詠九

陳逸民宅

在桃花鳴街元初陳深宅

講學宋遺民奎章徵不赴嘆息趙王孫只為書

名誤

西門北門

在闔齊二門之間元張士誠闢

平吳當一面戰績紀張康門啟風西北蕭蕭菜

葉黃

張溫軍西門康茂材軍北門

廢園

在沈家衙明永樂間沈均宅

歲寒後希文落木先元歎理數識先天園名妙

於廢

張少傅祠

采香庵基明景泰建祀張文忠世傑

平江奉詔行崖山覆舟誓同是精衛心秀夫且

從祀

唐家園

明宏治間唐寅宅今寶華庵詳家福案

讓東復讓西垞南又垞北何處唐家園百城煙

水錄

百城煙水成於康熙初猶稱唐家園若桃花庵天啟時已改準提矣

中酒夢墨亭

在唐家園下同

九鯉覘僊緣京兆爲作引花管笑江郎夢還才

亦盡

百詠十

檢齋

檢勘平生過才名合退藏琵琶盲女唱冤煞蔡

中郎

跳唐樓

卻聘掉頭歸跳樓避客俗彼哉莽大夫美新亦

投閣

陸氏橘林

在桃花鴨街明正德間陸倕宅

抗疏曾批鱗隱居此容膝客來誰應門奴婢千

頭橘



袁家宅 在沈家街北明嘉靖間袁衷宅

名與六俊齊學先二氏屏讀易占括囊門掩雪

花冷 著有括囊藁

柳毅墓 在五峰園

香火吳地神婉變洞庭仇不知此冢中龍女可

合葬

五峰園

在柳毅橋西明嘉靖間楊莊簡公成宅

江西行撫部早澇不知凶歸袖廬山冷移來五

老峰

莊簡政績以撫江西為最

百詠十一

周孝子堂

走馬樓基南明嘉靖建祀周孝子容道光間增祀周孝子茂蘭

嘗栗憤母欺刺血訟父冤周家兩孝子異時而

同源

孝烈泉

即周孝子井同治癸亥程烈女死其中

霍愈紫蘇煎錫類受井福烈女孝亦全不受胭

脂辱

韓衙莊

在沈家街後明嘉靖間韓世能讀書處

宦節郎官冷禪心孝子參當年讀書處猶指福

田庵

多木園

在寶城橋北明萬厯間鄉貢顧雲龍築

盧仲父有言林木似名節須識虎頭癡不在案

駝術

蘇家園

在後板廠明萬厯間御史蘇懷愚築

都門傳諫草茂苑課栽花舊日飛來燕重尋御

史家

後歸李御史模

桃花庵

在寥家巷明萬厯間僧旭建天啟問祀唐祝文三公象家福按祝允

明譚唐子畏墓志云罹禍後歸好佛氏治園舍北桃花鴨唐寅集桃花庵歌又桃花庵與祝希哲諸君同賦有桃花鴨裏桃花庵及茅茨新卜築句攷唐寅故

百詠十二

宅不在寥家巷南則治園舍北不指庵言宅尚在庵北唐家園園之北卽章莊

簡桃花鴨故址故曰治園舍北桃花鴨圖中或曾築室曰桃花庵著爲歌詠非詠死後六十年僧旭所構寥家巷之桃花庵也志中按語未詳附識於此

文祝生前契同龕俎豆馨子雲今地下追配哭

張靈

楊君薪圃客夏題詩有更將栗主奉張靈之句秋間逝

準提庵

卽桃花庵明天啟間楊端孝改今名

西方佛有緣東林子克肖同證六如禪各拈桃

花笑

瘞文冢

在庵北



齋甌何堪覆名山付一犁自從劉蛻後文冢又  
標題 唐劉蛻有詩冢銘

胡太守碑 出庵北土中

寥巷居手民王村虛墓右楞伽山人言聞舅父  
之母 泗有案語

九娘墳 在庵後

桃鴨似馬膾荒墳剗花落詩弔白石翁并爲小  
紅哭 金雲門女士秋紅丈室在錢唐武林門外  
西馬塍南宋姜白石故居  
汪公祠 在汪家墳前祀明汪中丞起鳳

百詠十三

矯詔粵官歸清議吳鄉重若建生瑤祠應慚死  
士壟 汪家墳葬明處士汪得見府志冢墓

貞烈祠 在西大營門明崇禎間建祀張應  
奎聘妻沈氏

熙甫論貞女兩說衷一是新志祔明公何竟遺  
專祀 家福有案

小桃源 在采香庵後明呂豔築

世豈有仙源八九寓言也金閭亦武陵惜少問  
津者

密庵舊築 卽蘇家園明李御史模宅

未定偏安局先酬四鎮功一官爭去就歸老密庵中

桃陽草堂 在密庵

鵑外自興朝鵑中猶故國何必登西山桃花當

薇蕨

芥閣 在密庵

佛家納須彌莊子浮坳堂試聽孫登嘯淒然塞

外霜

孫赤崖曾廨此

淡齋庵 在韓衙莊明福王嬪眞脩築

百詠十四

零落南朝嬪長齋繡佛前欲談天寶事不見李

龜年

四畝田 在後板廠西明陳圓故居

一女關興廢收京罷改元爲歌野雉曲詩史補

梅村

慈氏庵 在桃花橋街北順治己丑僧德風建

墨名而儒心生養死從葬誰題塔院碑遺老亦

和尙

李模撰碑

老和尚堂

在密庵旁陳克家蓬萊閣詩錄駐防兵驛騷李模請於當事移



駐鎮江沒後民卽所居旁建堂祀之曰  
老和尚從其志也按道光丁未郡人重  
脩此堂今則爲尼庵矣

禪參陶靖節恩感郭汾陽今問移營事滄桑和

尙堂

閔子祠 在采香庵南康熙時湯文正公建

睢州今曾閔撫吳首講學孝經久頒行閔祠宜

規復

康熙丙寅春公講孝經甫竣應內召張  
子秋紹重訂口義付梓曰孝經問業

才子亭

在桃花庵康熙時宋公舉建

莫謂才招忌憐才爲式廬當時梁相國異代宋

百詠十五

尙書

天章閣 在桃花庵嘉慶間建

見道褒 天語昭回倬漢雲會須重勒石一正

祝元文 泗有辨正

桃花仙館

在桃花庵嘉慶初唐公仲冕草  
同治間唐公翰題脩

先生桃花仙使君桃花齋神聽桃花歌祖德桃

花諡

楊忠節象石刻

在桃花庵石志誤爲繩武  
象

義士扶不去遺象有生氣鵝血弔殘碑年年泗

州寺

蘆墟潤州寺有碑曰明楊解元殉節處寺東有忠節公祠上戊致祭

墨竹石刻

在桃花庵蔣醉峯畫石志誤作唐寅

悟得畫中禪一醉出新意不然桃花詩怎題墨

竹戲

題詞仿桃花歌體用其成句者半

繡谷園

在後板廠乾隆間蔣深築

裘屐圖佳話名園舊日春平泉花木盡況是看

花人

張憶娘為朔州所眷有簪花圖即繪繡谷園景嘉慶初朔州孫立崖司馬自塞上歸猶出是圖徵題後藏吳江黃品五明經處

寶華庵

在周孝子祠西本唐家園乾隆間僧禪林改

百詠十六

水閣涵虛鏡環池略約橫老僧談故事不記沈

明生

沈時譽字明生華亭人工醫能蘇得長甯池築橋亭在松之著書之後府志謂順治初誤

采石磯

在寄茅南嘉慶間葉氏得宋碑石於此因濬池築磯

良嶽移吳峯騰笑山靈耻待清出泥中石亦隱

君子

桂香精舍

在旃檀庵北葉氏重葺

叢桂落刼灰雨露新香裊擬續小山詞寫以丙

舍帖

今為丙舍



翰香義塾 在周孝子祠東嘉慶間胡甯受建

尋親負骨歸禦賊堪胸死須知養正功無忘孝

義士 謂塾董夏廷榮凌程萬

藕舫 在新橋街楊樹園道光間陳葵一築

八載炳幾先全家得死所屈子賦懷沙未見秦

入楚 葵一全家殉難

存義堂骨冢 在葵家橋北同治初里人築

慘將棺築壘亂定骨收巽記取同歸域遺文石

曼卿 石梅孫徵君渠為碑記

梁高士祠 在周孝子祠西光緒六年高侯心夔建下同

五噫聲唱和偕隱矢清風後有賃廡者時無臯

伯通

文昌宮

大興拜昌言崇祀協公議爵亦有天人陰隲斯

為貴 文昌六星本祀祀郊壇嘉慶初朱大興當國奏請用太牢編入祀典

魁星閣

中吳數大魁照耀科第表寒碧與南昫志不在

温飽

七人墓 在采香亭旁家福誌墓

卅年井骨香全家完大節七姬有墓碑愚忠比

荀息 張羽有七姬墓銘

翁媪墓 在采石磯旁家福誌墓

東南賈捐之西北趙翁孫寸土不可棄式此翁

媪墳

撫松館 在桃花鴨街姚君鳳生宅

評帖散簾金松下供清玩奈何寶晉齋不為硯

山換

百詠十八

書葉軒 本廢園墓曾大父所築

嘉樹湖前朝柿枯復柿實便學鄭家書直擬宣

公柏 齊門外陸宣公墓繪有古柏重青圖或增  
初我鄉陸雪亭司馬日愛得是圖徵題勒

石

東南賈捐之西北趙翁孫寸土不可棄式此翁

翁媪墓 在采石磯旁家福誌墓

荀息

卅年井骨香全家完大節七姬有墓碑愚忠比

十八墓 在采香亭旁家福誌墓



五畝園懷古

正誼書院山長吳望雲祭酒月課

吳寶鎔

漢制諸王有長史而子弟居江東者唯荆  
王賈吳王濞江都王非而已張長史無可  
攷見其在濞殺漢史中歟抑曾觀董子仲  
舒春秋繁露之作歟然賈都吳郡歷年未  
久非汝南徙封江南已夷置郡縣後亦未  
聞有封吳者獨濞居江都兼有吳中地則  
此長史疑爲劉濞寮屬且漢初去周近五

懷古一

畝樹桑尙存古意意其人經濟氣節卓絕  
一時故宣義葉碑以紀之歟噫荒園榛莽  
興廢無常俯仰遺墟徒沾余襟之浪浪耳  
放歌一首代哭

策策西風撼破屋暮鴉嗚向枯林宿樓臺池館  
冑荒煙生非唐衢亦欲哭我來桃花鴨曾訪五  
畝園長史不可見峴立遺碑完漢宋迄明累歲  
久賢豪埋沒魂俱朽祗餘隆然一古碑苔封蘚  
蝕神靈守自非胸襟氣節矯矯震吳會胡爲翩

翩袞展歛歔憑弔留詩酒吁嗟炎劉子弟多昏庸長史傳者毋乃同若非蠶桑興利列明祀將毋銅山將倒屬饑殲凶鋒劉焯恣殺漢廷吏并沒先生名與字旣不若宋昌持節夜半封通侯并不及伍被詭對貫高獄辭姓名赫赫留斯世不結人間煙火緣但備吳中金石志吁嗟乎人生難得者庸福不若委蛇而從俗必求澡身浴德淨纖塵不如意者十七八十七八我欲哭

馬錫蕃

懷古二

蠶浴桑初檠蠶老桑待髡治蠶先治桑牆下古制存長史隱居數弓地桑陰匝籠晴翠老樹蠹盡風景非園亭重拓梅宣義宣義棄官方歸耕五畝仍以桑爲名熙甯刻石紀龍漢殘碑零落轟雷驚草萊何況今重闢樓臺荒圯尋無跡種桑勵地瓦礫多疑有當時坡老文登石吁嗟乎八蠶供繇古語詳利源今待興窮鄉願借五畝導先路不種花枝仍種桑

申漢元



長史當年闢棘荒山林城市兩渾忘織烏西去  
三千歲不見南陽八百桑  
孤豕荒涼拜宋賢林亭池館渺雲煙至今麥飯  
無人供賸有寒香繞墓田  
寄茅廬已委荒萊拜石臺空付劫灰縱有東坡  
詩句在教人何處讀碑來  
蘭亭梓澤幾滄桑一樣登臨感喟長問訊準提  
庵外路桃花寂寞怨斜陽

王家章

懷古三

鶯鶯燕燕江南春閒花野草鬪芳辰江山未改  
人已去十處園林九處塵姑蘇城北有荒圃梅  
家宣義是故主一邱一壑五畝田當時裙屐名  
千古道是名園舊姓張漢時長史種柔桑誰知  
世事如碁局又屬梅家遊戲塲聞說有明一道  
士青衿本是舊家子荒居卜築伴煙霞悠然人  
在空山裏滄桑小劫幾循環寒菜一畦水一灣  
昔年亭榭今何在飢雀啾啾夕照殷江右客來  
尋祖墓荒墟荆棘飛孤鶯捫苔剔蘚搜殘碑宋

賢名氏年朽蠹磷怪石埋香泥殘花零落春  
鳥啼可憐王謝堂前燕飛入他家暫寄棲葉翁  
忽作買山計小築園亭仍舊制花鳴寒煙種碧  
桃竹林流水攀丹桂屋小如舟廬結茅一池碧  
藻透芳苞釣魚閒泊漁家棹酒旗一幅露雲梢  
垂垂楊柳拭波鏡荷花解語搖千柄蠹雲怪石  
元章拜鬪雪寒梅何遜詠莫道桃源無處尋洞  
天佳境樹成林月照涼軒花更好香迷曲徑春  
已深梅檀庵外薜蘿碧多少游人攜蠟屐春風

懷古四

鬪鴨來晴郊香塵走馬游綺陌元文作記儷新  
詞染濡大筆何淋漓當年芳草鋪霞錦終古衰  
楊纒雨絲萬事榮枯如轉轂眼前荒土皆華屋  
華嚴處處歷紅羊廢圃年年走白鹿風流往事  
已消磨滿目煙雲入浩歌夕陽野寺招僧話一  
溪寒水空秋波

元利 楊錫瀾 芝生

兩水環流閭與齊中有溪境荒煙迷摩挲碑石  
不可讀拱木斂魂山鳥啼父老爲我說遺址漢



時隱居張長史牆下閑閑植以桑五畝之名  
由始南昌挂冠仙尉仙吳門苗裔世緜縣有亭  
翼然重卜築春花秋月供游目佳兒分領浙西  
符詩篇唱和蘇玉局桃鳴桃源疊變更漁舟慣  
誤武陵程自宋迄明主三易荒涼老圃叢棘荆  
扁帆迢遞豫章客展視松楸訪遺跡畚揭興時  
墓門開磷磷怪石紛崔嵬葉家購地洗殘瓦行  
人始識舊亭臺公子墜鞭耽酣豢多逢醉客春  
游慣名園管領幾何時雲散風流付夢幻況復

懷古五

紅羊劫運經滄桑如此不忍聽牛羊游牧飲寒  
瀨屬鼯舞蟠撐古銘纍纍頽垣葺無幾一坯澆  
土千秋馨

沈希沅

憶昔梅家處士廬卜宅曾傍三吳居吾來欲覓  
五畝址春華海棗空歛獻當年有子判浙右同  
官忽遇峩眉叟畫圖一幅乞新詩詩成鬱律龍  
蛇走風月消受年復年雕甍繡棟委荒煙園林  
寂寞無人曉姓名反藉一詩傳碧畦素隴成荆

杞世事浮雲乃如此臺邊金雀本能飛街上銅  
仙亦善徒顧名想欲等灌園志乘飄零今尙存  
東西界破碧鷗宅三兩自成紅藕村里巷優游  
數晨夕隱居未必通朝籍縣官不識陶潛孫後  
代那知庾信宅同時子美有滄浪歐梅唱利相  
翱翔濯纓濯濯足惟所適人去亭空名益彰胡爲  
斯園獨湮沒時移世易音徽歇得毋興廢亦由  
人心知惟有當頭月吁嗟乎自來陵谷尙變遷  
豈能風物常芳妍梁世金樓陳玉樹而今賸有

懷古六

山蟬喧春風夜喚流鶯語往日繁華今底許蓬  
蒿幾尺仲蔚園蔓草斜陽不知處

唐繼盛

斜陽明滅空城隈蒼煙莽莽迷蒿萊故園舊地  
渺何處我來懷古心徘徊此地聞是梅公主宦  
游聊把萍踪駐灌漑一頃二頃田排列十株五  
株樹有子矯矯人中龍少年騰達氣如虹餘子  
碌碌不及數豪邁獨契蘇髯翁髯翁激賞稱僚  
友吳門屢載使君酒醉中高吟贈園主淋漓大



筆蛟螭走詩成磨碣留名園園鳥騰笑花含言  
風流高會空一世千秋會有遺蹤存何意章子  
關桃鶻遷流遂作藝芳圃荷鋤時來挑菜翁提  
筐每遇賣花姝宋代舊蹟付蒼茫衰草落日墟  
煙荒橋奴桐孫杳何許湖龍邱虎空千古來  
變易都如此滄海桑田難儂指何似當前酒一  
杯眼看滾滾東流水

程世璋

我讀坡老杭州詩忽懷茂苑隱居客隱者之祖

懷古七

神仙人爲避新莽游笠澤吳門寄寓無人知先  
彼梁鴻來匿跡棄家羽化長翺翔代有傳人遺  
一脈公生宋世非逢時青苗新法誰能易泥經  
歛怨稱賢明出山異器羞同席歸眞返樸豈云  
遲奚如卞氏完其璧遂求隙地供優游園開五  
畝不嫌窄亭池小築安琴書聊同風月永朝夕  
偶當酬詠思名流天涯縱遠神非隔不與汚時  
挽倒瀾欲隨先世齊雲翮今憐遺址難尋蹟躑  
躑瓦場空歎惜登高但唱過雲歌一回懷古療

詩癖

周媿唐

還向吳門隱初疑漢尉臨神山原眷屬城市亦  
山林客飲陶公酒兒彈單父琴古牆桑蔭綠長  
史跡堪尋

張兆蓉

名園游五畝處處可成圖舊蹟傳炎宋新詩寄  
大蘇堆山移虎阜通水引蠡湖白石懷雙袖青  
桑老幾株甘隨鷗夢嬾肯被鶴書驅治圃追長

懷古八

史耕田等匹夫過庭時對鯉閉戶慣聽鳩除卻  
漁樵叟誰爲詩酒徒閒身託觴詠冷眼看榮枯  
古里疑彭澤家風紹聖俞十年勞薤草三徑喜  
編蒲本是子真後市門宜隱吳

潘家營

舊日仙人隱市閭鬻蘇詩寄十聯初米顛呼丈  
羅奇石潘岳甯親奉版輿別有官衙留勝跡蘇  
藩使解爲明文恪公五畝園故居按王文  
恪故園名怡老見府志作者豈別有所本更從



黎里訪幽居 國朝尚書周元理有五畝園在黎里何如一角滄浪水明月清風尙敞廬

孔昭惠

故家系本屬梅仙小住吳門闢洞天有子承歡供白石無官爲累臥蒼煙桑田已闕一千載桃陽重經七百年顧氏辟疆同廢圯欲尋遺址悵茫然

潘家榮

聖俞族派有誰知市隱原教不入時令子養親

懷古九

五斗俸髯仙寄友十聯詩而今荒草延奇石何處斜陽照古碑更喜滄浪留一曲滿階紅葉賦新詩

馮應圖

幾番興廢幾園傳五畝今看十畝連桑土自隨滄海變桃花長作武陵煙祇餘唐宋留雙碣合並張梅祀兩賢莫道區區栽植事留名已及二千年

嚴楫梅

走馬樓前菜花黃走馬樓上作醉鄉夕陽西下

游冶罷踏花歸去馬蹶香

走馬樓

華軒更好倚芳塘界畫中央起石梁菡萏花開

環左右雙雙飛宿有兜火

雙荷花池

陳清標

艷說桃源別有天誰知城郭近荒阡落花流水

今何在半作人家半作田

小桃源

走馬樓前靜綠陰三春覓伴快登臨農家自有

天然富野菜花開徧地金

走馬樓

懷古十

徐清澂 伯寅

我身如寄此茅廬小隱吳門尙憶渠今日茅龍

誰復換秋風杜老歎何如

寄茅廬

桃花漲暖鴨先知放鴨漁船闌外移正似吳江

好風景閒情直欲擬天隨

鴨闌橋

香徑藤蕪人跡迷門前豈是若耶溪游人誤作

西施事苦向山僧問故蹊

采香庵

落英滿地自成茵豈住漁郎黃道真應爲問津

迷處所別營小築仿秦人

小桃源



張清達

尋芳韻事話吳儂是否西施舊日蹤記得道人

號辟穀採梅更上妙高峰

采香庵

巍然高閣直凌霄登有雲梯路不遙記得朱衣

頭暗點唯亭屢驗去來潮

魁星閣

梁高士黃穀臣

五畝園中業已荒當年長史舊栽桑劇憐地下

呼難起巢父高名半渺茫

長史治桑處

百尺巍巍築此臺庭前怪石數峯堆也教仿得

懷古十一

南宮拜奇物欣從海外來

拜石臺

項家駿

吳門借隱且逃名品合三高風自清未遇伯通

誰賞識空聞廡下賃春聲

梁高士祠

雙荷池北鴨闌橋打鴨人歸此繫橈莼菜新香

菰米熟儂家生計一年饒

鴨闌橋

五畝園題詠卷一

吳江 任艾生 友濂

海上生成魚比目塚有死結樹連枝多情又見  
芠央睡料是花開並蒂時 雙荷花池

誰復茅龍更換忙吳門小隱幾滄桑流風未泯  
張長史補插柔條倚短牆 奇茅廬

不拜峰前拜枕均癡頑同入米顛嘲東坡高誼  
薄雲漢可更有人訂石交 拜石臺

前身金粟是耶非瑟瑟秋風度翠微參罷木犀

卷一

禪語後一天花雨滿簾飛 桂香精舍

層樓複道亘如虹楊柳隄邊繫玉驄華屋荒邱  
千古嘅蒼茫兀立夕陽紅 走馬樓

打鴨聲聲應隔河曉風吹起采菱歌閒情恰似  
天隨子水暖吳江其綠波 鴨關橋

臨波門外鏡開菱比屋如鱗曬晚罾潑刺一聲  
珠亂濺柳陰獨坐看魚鷹 漁家禡

姊妹隣家約伴行紅羅鞋繡隔宵成采香徑外  
留餘韻髮髯西施躡屣聲 采香庵



漢家天子不能臣廡下何妨隱此身輝映堂前  
誰得似高風當與釣臺隣

梁高士祠

一門忠義殉紅羊慘雨愁雲古井旁肯讓五人  
占虎阜荒碑不藉姓名揚

七人墓

荒祠松柏半欹橫浪激厓山怒未平同爲趙家  
一塊肉天心何獨厚程嬰

張少傅祠

小閣臨池此讀書甯藩垂餌走鯨魚當年競說  
詩書畫誰識千秋唐六如

寶華庵

吳縣 張兆蓉 心逸

卷一

官儀漢代事茫茫數典何曾祖敢忘老樹已隨  
斤斧盡攜鋤補種短牆旁

余家始祖諱霸 五畝園

依蒲在藻各忘機水自澄清魚自肥河海雖寬  
容不得何如此處網羅稀

己丑夏嘗購金魚百尾畜池中 碧藻軒

桃花橋畔是吾家閒步桃源興倍賒坦路不教

迷路返箇中應勝武陵霞

小桃源

宮錦袍穿一棹回臨江采石勢崔嵬吳中也有

清磯在惜未青蓮捉月來

采石磯

姓氏無聞里巷中采香亭畔泣春風桃花片片

飛寒井錯認當年血濺紅

七人墓

居然畫界守鴻溝夫婦幽棲盡白頭南望伯鸞

祠宇近齊眉舉案共千秋

翁媪墓

景蕭蕭德清俞小樾曲園

拜石臺連碧藻軒吳中五畝舊名園後人來往

桃花鴨底事惟知唐解元宋苦用心今爲料桑

一自輪香義塾開無邊善舉已全該欲行九惠

卷一

三

夷吾教大費通窮振困財

深二十年來苦用心今爲梓桑

籌教養聖廬獨坐自沈吟

見說經營事事宜尙虞經費久難支不如先課

蠶桑利織就人間續命絲

像殿墓

漢時長史有張公會築桑園在此中今日居然

還舊觀柔條沃若徧西東

十八墓

桑柘成陰利最殷定知義舉徧榆枌他時再過

桃花陽

君采下鄉



宣義當年此避譁桃花鵑裏種梅花孤墳寂寞

迷香雪莫是林逋處士家

梅鵑

萬竿煙雨一疏寮賸有梅花伴寂寥待到歲寒

思舊友蒼松好自上雲霄

更好軒

元老平羌奏凱旋桃花香躍馬蹏邊兒曹贏得

新詩料春鴈閒吟作散仙

桃花鵑

相國名園舊劫塵呂師曾此闢荆榛劇憐種得

桃千樹看到花開別有春

小桃源

錯節盤根老此才庭前松柏倚雲栽棟梁文囿

相需甚歷盡冰霜始獻材

文昌宮

小謫人間萼綠華清泉埋骨玉無瑕貞魂縹緲

歸天上射斗光芒擁碧車

孝烈泉在魁星閣下

方外銳止

先生亦是少孤身父死母存竟作神恨我不曾

凶短折賸將年壽壽慈親

周孝子堂

越女吳姬競秀姿花花葉葉故差池劇憐子結

花旋落翠蓋亭亭似舊時

雙荷花池

祇樹琳宮總劫灰遠公空贖講經臺我今別有  
逃禪計目閉耳聾口不開 旃檀庵

吳縣楊楨 肅甫

桑田滄海幾紛更長史張公舊有名五畝荒園  
何處是摩挲殘碣不分明 五畝園

一門死節著清芬氣作長虹掃逆氛虎穴不留  
聞見錄千秋誰表七人墳 七人墓

閩秀張姑

捐軀曹氏娥入井費宮女孝烈此心同遺篇獨

卷一

五

與汝 孝烈泉

虎阜五人墓夔溪六烈祠 祠在平江路新橋巷

昭然千載下氏族復奚疑 七人墓

世運有代謝忠臣無二心蟄龍不可作遺恨海

天深 張少傅祠

德清童寶善 米蓀

花當樓閣月當軒舊是金閫第一園誰料倉皇

兵燹後更無耆舊問開元

次第嚴城萬戶開鶯花儀態一時該桃庵菜圃



仍荒草不見金銀湧地財

游屐最情深  
振觸蒼茫萬古心  
小展經綸

家國手豐碑  
重興紀清吟

從此春秋妙景宜  
登山臨水一筇支  
漢時明月

還依舊說與西風  
柳萬絲

莫將幻景問支公  
華屋山邱一瞬中  
節義流傳

三尺土長留正氣  
大江東

自課蠶桑意轉殷  
年年鄉社說榆枌  
劇憐寰海

瘡痍徧應屬  
循良漢使君

卷一

六

方外退

每逢佳節倍思親

王維

布穀聲中夏令新  
陸游

五畝漸成終老計

蘇軾

白雲還是望雲人  
蘇軾

滿地殘紅昨夜風

李孝光

鷓鴣知雨在桑中  
梅堯臣

堯臣

已成五畝扶犁叟

陸游

何事吹簫向碧空

王維

不將蘿薜易簪纓

張說

誰遣春官識姓名  
元好

問徵士高懷雲在嶺

錢惟演

祇求五畝卻歸耕

蘇軾

爲言憔悴過年年來鵬燒藥爐中幾度煙王堅

五畝自栽池上竹蘇軾一林風雨夜深禪陸龜

蒙

吳縣 管斯駿 秋初

桃鳴名傳久吳中此大觀樓高看走馬祠古待

棲鸞長史治桑易英雄種菜難一龕留佛火清

馨出旃檀

長洲 張雍珪 桓伯

走馬蘭臺類轉蓬李商隱鱸魚新熟別江東杜

卷一

七

牧 倦游自笑摧頽甚陸游他日誰憐張長公李

白

日出雲中雞犬喧王維鳥能鼓舞花能言蘇軾

漆園傲吏猶非達陸游歸老甯無五畝園陸游

小樓銀燭客提壺陸游醉後題詩點畫廳陸

龜蒙 脫帽風流餘長史蘇軾欲求五畝寄樵蘇

蘇軾

考證牀頭種樹篇劉因桑間日永問鸞眠曾鞏

無多別業供王稅李咸用五畝膏腴負郭田牟



融 右五畝園

蓬萊雲隔楚天 宋 裴 姓字今為第幾仙 元 稹

梅鷗雪晴紅綴萼 倪 瓚 杜鵑啼破白楊煙 楊 興

宗 梅鷗

小軒臨水為君開 蘇 軾 萬竹青青照客杯 杜 甫

竹外一枝斜更好 蘇 軾 問渠春色幾時來 盧 襄

更好軒

畫橋分斷水西東 周 登 疏影池塘淡月中 陸 游

多謝浣溪人未折 鄭 谷 荷香澹蕩晚來風 張 翥

卷一

八

雙荷花池

北軒雷雨不勝涼 陸 游 水荇牽風翠帶長 杜 甫

小海白魚跳碧藻 馬 祖常 風荷柄柄弄清香 劉 攽

豫 碧藻軒

宦游到處身如寄 蘇 軾 家傍桃源穩卜居 徐 中

行 世外俗塵都不染 李 頎 一灣新綠護茅廬 仇 遠

遠 寄茅廬

樽前拳石亦青山 楊 繼盛 歸壽我親得解顏 黃 庭堅

庭堅 回首悲涼便陳迹 蘇 軾 荒臺叢竹雨斑斑

薩都刺 拜石臺

揀得幽居愜素心

陸游

相門才子稱華簪

劉禹

錫珠簾臺榭桃花鴨

楊基

紫韻紅腔細細吟

謝宗可 桃花鴨

碧雲日暮空徘徊

劉晉卿

曾到旃檀小殿來

蘇軾

願得遠公知姓字

盧綸

殷勤相送出天台

曹

唐 旃檀堂

舍北桂花一半黃

朱淑真

酸風戚戚斷人腸

李

白 天街夜色涼如水

杜牧

丙舍無人遺燼香

溫

庭筠 桂香精舍

隄邊柳色弄春柔

王希昌

隄下菜花隄上樓

朱

慶餘 賣酒怕遲教走馬

姚合

一鞭香拂醉人頭

王延壽 走馬樓

盡日菰蒲繫釣船

張泌

三篙新綠漲連天

尹廷

高 微風遠引漁人笛

顧利賓

打鴨聲聲答水邊

沈佺期 鳴闌橋

月明多上小橋頭

杜甫

綠藻潭中繫釣舟

白居易

易 猶有漁人數家住

張泌

歌聲唱徹滿城秋

陸



龜蒙 漁家佛

新柳亭邊手重攜釋無悶不關春草綠萋萋温庭筠

庭筠 秋風南陌無車馬王表依舊煙籠十里隄

韋莊 楊柳隄日韋莊暮思共土驛韋莊

采香曾去尋幽徑温庭筠今日求真禮上清白居易

居易 誰念為儒逢世難盧綸何如此處學長生

崔灑 采香庵人問處處是仙蹤崔灑

藥竈香濃道院深陸游仙翁歸臥翠微岑杜甫

年年花落無人見司馬禮不辨仙源何處尋王

維 小桃源

桃花流水鱖魚肥張志和罨畫池邊小釣磯陸游

游 采石江頭李太白劉鑑人間處處是危機陸游

游 深石磯

九原那憾死無名陸游赤腳橫騎太乙鯨姜夔

負米養親無復日陸游葛洪井上聽松聲陸游

周孝子堂王夫劉善堂十里

回旌駐蹕降靈場李嶠殿神風松柏香孟浩

然 北斗七星橫夜半沈佺期羣英接踵應文昌

張之象 文昌宮

璇題藻井窮丹青

陸游

東壁光聯第幾星

柳貫

射策君門期第一

杜甫

隆儒殿閣對橫經

黃庭堅

魁星閣

新詩兩首倩留傳

白居易

記取紅羊換劫年

殷

堯藩

竹帛未聞書死節

杜牧

明珠真見抵深淵

元好問

孝烈泉

門前古碣臥斜陽

蘇軾

獨對西風酌一觴

易梁氏夫妻為寄客

劉禹錫

簞瓢氣已壓膏梁

黃庭堅

梁高士祠

功名遠赴十年期

陸游

蟾窟香分第一枝

陸游

富貴必從勤苦得

翁森

百年義塾尚留炊

葉適

義塾香義塾

孤墳三尺近要離

劉禹錫

死節名留確不移

居易

盡室魂飛劍光紫

王幹

各言生死兩相隨

韓愈 七人墓

豈知負土一阡新

蘇軾

兩岸桃花夾去津

王維

羨煞田家老翁媪

元好問

墓中知有百年人

蘇



軾翁媪墓

風響蒹葭落雁鳴郭鈺祠門高挂夕陽明高啟

蘆衣月下臨風縞朱灝欲吊先賢涕已傾陸游

閱子祠

遙知遺老泣山前蘇軾公死於今六百年文天

祥白馬素車江海上王逢小舟翻動水中天蘇

軾張少傅祠

第一功名只賞詩司空圖風流儒雅亦吾師杜

甫百花潭上詩人宅郭翼盛惟有鐘聲出院遲

卷一

王維寶華庵

千樹紅桃蕊乍含張說桃花鴨裏桃花庵唐寅

長沙不久留才子王維來與彌陀共一龕蘇軾

桃花庵

春風春雨幾經時郁李穠桃空舊枝香滿一輪

秋已老栽培空負昔年期少嘗讀書輪香義塾

不祀唐侯祀準提分明此處住闍黎六如居士

家何在遙指桃源西復西桃花庵

吳縣楊引傳薪圃

五畝家園樹以桑此風已古自周王吳宮花草  
都消歇牆下濃陰話更長五畝園

梅氏遺阡地早蕪一盂麥飯歎全無何人好事

重營護爲植寒梅五百株梅陽

綠君素友故幽嫺難得相逢在此間況有誠齋

詩句在小軒竟日欲忘還更好軒

齊女門連閭闔門池流各自向前奔采蓮畢竟

當何處合向城南老叟論城內稱采蓮巷者皆

卷一

在城南雙荷花池

池旁小築屋三楹水檻閒憑徹底清不取白蓮

稱碧藻纖鱗來往最多情碧藻軒

宣義當年此縛茅雖居城郭似荒郊人生百歲

原如寄燕子何須戀舊巢寄茅廬

捧來碎石也怡然下拜非同米老顛一枕清風

能沁骨衰親從此得安眠拜石臺

里人共識明才子鄉宦誰欽宋太師萬點桃花

飛石隴風流文采耀當時桃花隴係宋太師章



棗所築

不住杭州卻住蘇旃檀香裏小庵孤冬青已死

存銀杏五百年來又盡枯旃檀庵有宋時銀杏

一株兵燹後不存

旃檀庵有宋時銀杏

天香飄盡月還低精舍重尋路已迷惆悵織烏

西去後誰將桂樹換棠梨

桂香精舍今為丙舍

春光去後又秋光走馬樓前感喟長李白桃紅

惟一瞬不如來看菜花黃

走馬樓為春時看菜

花處

卷一

十四

甫里猶存鬪鴨闌天隨去後景荒寒橋邊試問

能言否咫尺煙波也自寬

鴨闌橋

養鴨餘閒更釣魚浮家何處不宜居半村半郭

真堪隱勝似苕溪號老漁

漁家

蘇家園接蔡家橋橋外長條復短條賣酒當墟

人在否祇今裊娜有纖腰

六如舊有賣酒當墟

人裊娜句

楊柳隄

辟穀何須更采香亭由庵改亦荒涼黃冠聊遂

遺民志非慕當年響屨廊

采香廡

此中亦號小桃源拋卻青衿且築園不在山林  
在城市可知心遠自忘喧小桃源

平流安得有磯成偶借江中采石名醉著錦袍  
無太白此間一樣月華明采石磯

在昔猶傳孝子堂井原清冽共流芳甘泉一掬  
能醫病蘇葉何如橘葉香周孝子堂

十八公名羅漢符旁留翠柏半憐枯而今文苑  
欣依附地參天不用扶文昌宮有明時羅漢

松半枯柏各一株

井亭舊址閣新營翹首奎光徹夜明胸次狀元

消得否千秋事業豈科名魁星閣

勺水偏將孝烈傳澄清足使俗塵蠲貞心懿行

超今古此是吳中第一泉孝烈泉

祠宇猶將高士標春聲夜起傍臯橋平生原不

因人熱香火何須歎寂寥梁高士祠

盼到冰輪夜夜涼忽聞滿院木犀香須知至教

原無隱不負栽培在此堂輪香義塾

繡陌香街付劫灰全家水葬亦堪哀分明三十



年前事依舊冰心裏碧苔 七人墓

白首相莊媪與翁頽垣坐對幾秋風一坏爲爾

留碑誌猶策當年守土功 翁媪墓

東魯曾傳孝行完遺風早已達江干一叢蘆絮

吹成雪猶向祠前作曉寒 閔子祠

厓山血戰恨難平直願將身飼海鯨八十九年

元祚盡英魂凜凜尙如生 張少傅祠

才人故宅認無差改作僧庵號寶華悟到如如

真不動此心安處便爲家 寶華庵

卷一

十六

桃花庵畔闢池亭文祝均留一瓣馨我欲招魂

元墓麓更將栗主奉張靈 桃花庵

秀水 沈景修 蒙叔

翠蛟影橫斜枝禽弄幽噤下有古梅魂云是宋

時墓鉏壟得紅簫樵禁五十步 梅陽

漢代種桑地築此五畝園茅龍幾更衣惟石仍

獸蹲山林在城市高臥雲爲樊 寄茅廬

白石出文登纍纍如拾椽同官有孝思賸詩壽

梅丈高枕臥北窗夢作海天想 拜石臺

開軒俯碧藻，旁通雙荷池。鏡中納人影，驚起兩  
鶯鶯。跳珠響萬蓋，匡牀聽雨時。碧藻軒

西北有高樓，複道容走馬。劫火罹紅羊，章臺無  
片瓦。年年菜花時，香車絢平野。走馬樓

唧唧自呼名，戲浴春江水。編關沿塘坳，一打聲  
亂起。不畏惡風波，卻防金彈子。鴨闌橋

西施采香徑，屨響虛廊聞。沼吳幾千載，弔古空  
斜曛。至今踏青節，女伴邀紅裙。采香庵

文筆轟喬柯，文星起傑閣。吳中朗元燈，瑤天奏

笙鶴地靈神，所依井泉不死藥。魁星閣

六如參妙諦，詩書畫通神。雄藩不能餌，佯狂乃  
全身。春風一藻續，桃花紅于人。寶華庵

花雨散諸天，心清聞香妙。簷蔔開一林，拈之粲  
微笑。遠公去不歸，佛幢紫夕照。旃檀庵

時平得考終，寇亂爲國殤。不朽七人骨，歷劫生  
晶光。亦有臙脂井，遺辱陳宮旁。七人墓

風鶴驚傳聞，大吏棄城走。矧兹尺寸基，誰歟畫  
界守。咄哉翁媪賢，死亦正邱首。翁媪墓



笑縣姚孟起鳳生

久住桃花鵑時游五畝園爲問舊主人想見漢  
衣冠晝夜成千古逝者不可還我懷梁處士風  
節峻于山山高水清冽嗟哉孝烈魂高高七人  
墓身沒性猶存共居大化內何必羨桃源  
巷有佳子弟最以聖人篇聖人不可作舉世愛  
逃禪鐘聲度牆來催放滿池蓮木犀聞香否令  
我俗慮蠲頑石亦點頭桃李總無言

天心不可測何事喜與愠文章安足貴窮達司

卷一

六

以運孝哉閔子騫流風仰彼汶周子繼其蹤千  
載垂令聞張公以國死江水流餘恨翁媪雖賤  
貧亦知守土分卓卓皆千古豈曰無定論

城市有山林桑麻梅氏宅古人亦已杳荒碑留  
片石小鳥弄新聲松柏表奇格軒窗枕水開藻  
影橫池碧游魚遽集此與我誰主客翛然出門  
去走馬楊柳陌漁唱晚晴天呼鴨入菱柵風送  
菜花香歸來明月白

常熟

王慶長

老備

浣讀平泉志名園舊蹟彰媿無熙甫筆未敢記

滄浪

憶曾志十畝

往余著有十畝閒志

博采樹桑言

安得萊蕪地都成五畝園

累歲依臯廡新書享帚珍

近著臯廡尺牘臯廡

雜著等書

慚居孝子里猶自作詞人

志中有漢

高士梁公宋孝子周神神我邑人墓在北麓亦

勝地

嘉興

張德培 廣唐

卷一

十九

古井荒涼不再波春風祠宇鎖煙蘿至今賸有

泠泠水誰取香泉一勺多

孝烈泉

吳江

柳慕曾 已仲

死節名留確不移

白居易

丹青空見畫靈旗

杜

使君莫忘雪溪女

蘇軾

一紙行書兩絕詩

蘇

賦

孝烈泉

許國寸心孤劍知

陸游

邑中還欲置生祠

韋莊

中原成敗甯非數

陸游

莫道睢陽覆我師

黃庭

堅

張少傅祠



吳縣潘鍾瑞瘦羊

幽風肇王政條桑紀蠶月遷岐迨作豐爰授五  
畝宅其中爲廬居牆下蔭垂碧非惟爲治生撫  
樹樂晨夕後世豪富家規度廣阡陌紅紫植萬  
千飛花滿茵席春風一轉瞬繁華若過客何獨  
數千年長史留遺跡名高世不知行美思難釋  
攷漢百官表長史秩千石丞相太尉屬羣僚注  
朝籍王國及將軍置輔贊籌畫金張况望族吳  
郡重烜赫乃隱此一廛蓬門謝繁戟避世兼逃

卷一

二十

名治桑就勞役伊人媿者誰風流念在昔前則  
成都中桑株栽八百後則著作林桑比甘棠澤  
漢張長史治桑處

桃花昔未種此隴先名梅不知有玉樹曾向綺  
窗開子眞舊隱居歲歲春風來

梅隴

開軒便見竹竹深境自好更窺一枝斜何嫌香  
雪小翠羽嘯春寒萬綠天爲曉

更好軒

昔游小倉山園中有雙湖此間遇釣叟漫把西  
子呼芙蕖兩相望香界能分無

雙荷花池

塵飛所不到疑是水晶宮  
劃開圓靈鏡鬚眉成  
碧翁誰云承天寺藻影浮空中

碧藻軒

孔明臥南陽抱膝非無意  
意不在躬耕艸廬亦  
偶寄葢頭一把茅曠然有天地

寄茅廬

白石可以漱清流可以枕  
用償江夏心倘入襄  
陽品袍笏敢拜嘉良友多情甚

拜石臺

千古金粉地百世平泉莊  
陽春好風日大塊多  
文章花發問前度其人非劉郎

桃花陽

銀杏蔭逾畝尊作旃檀林  
因樹可爲屋撫根息

卷一

三

禪心瞎堂澹無覩綠映眉毫深

旃檀庵

我亦有精舍居士號香禪偶參無隱義黃雪霏

自天攀折徒自苦鼻根了塵緣

桂香精舍

布地黃金中一樓峭無偶倚樓心自空  
味得茶

根否複道何縣延朝暮烏兔走

走馬樓

采菱莫打鴨有鴨菱邊浴划槳  
過橋西呼之避

菱角鴨知秋水寒菱爲秋風熟

鴨闌橋

蘇臺多楊柳踈地落花埽  
彎環齊女門金勒馬

嘶道曉風殘月時來聽鶯啼早

楊柳隄



道人去辟穀庵宇空采香建亭卽遺址亭外靡  
蕪長何如朗吟谷絕世無滄桑

采香庵

山深而市遠僻地皆桃源安知理亂事人世祗  
俗喧有桴不浮海問津迷荒原

小桃源

奇石高尋丈采之自雲窟地窪因爲池磯小沚  
可歇曠懷李青蓮一杯酌江月

采石磯

但祝母不去勿念兒衣單此言人閒無萬世兄  
弟看祠門一彎水風起蘆花寒

閔子祠

夫夫與婦婦冀野如嘉賓吳門不作尉寄此借

隱身賃廡吾亦願誰爲賢主人

梁高士祠

少傅知平江天水黯將碧風雨摧匡山身沈恨

折戟八表歸一椽渺矣棲魂魄

張少傅祠

無忝孝侯裔獨行啟孝子飲之蘇葉清使疾逆

有喜誰鑿鮮民心一泓古井水

周孝子堂

樹陰合深翠清湍環四周此境赴此畫亭午含

早秋讀書坐小閣六如飯靜修

寶華庵

仙以桃花名花向仙人擁貞石鐫好詩香豔世

矜寵才子今不見有亭翼然聳

桃花庵

文瀾四面水文筆一枝塔定知此地靈奎光燭

閭闔松柏識前朝風來語相答

文昌宮

桃花開易落乃植月中桂吹徧一輪香書味生

才慧樹木比樹人百穫占樂歲

輪香義塾

浚井得叢骨殉身甘同死收之出劫灰早受寒

泉洗卻笑竹林賢一輩古狂耳

七人墓

偉哉此翁媪老不畏豺虎一叱弭耳馴尺寸何

敢侮吁嗟大江南當日誰守土

翁媪墓

女子不宜才詩但表心跡幸覩時太平薄命奚

卷一

三

足惜以身還耶孃寒泉共清白

孝烈泉

寰中名勝區等閒委荒土矧閱二千年遙遙久

無覩是賴有心人追蹤以返古所幸片石傳差

與韓陵語頭銜漢官儀植桑古治譜規復五畝

初猶不失步武因推流傳跡歷歷稽說部子明

判杭州宣義乃其父贈詩徧蘇黃居吳實繩祖

載源章莊簡桃花闕此鵑窈窕石湖詩稱北城

新圃慧遠一卓錫漫空散花雨更瞻孝子祠井

泉清可煮六如翰墨香萬桃花裏戶寶華與準



提同歸梵天宇端孝子澄揚逸民貞九呂感時  
傷世心託處竝清苦遞及葉與潘到今幾易主  
沿流沂真源導河清可數一一未遺忘殘闕此  
脩補纂文徵我詩慚無好語吐諸君義誠高慎  
毋廢斯舉會看雛桑長參以桃柳伍土膏勃焉  
興根株漸堪撫憑弔慨以慷游春歌且舞

卷一

三

興財林漸賦蘇蘇平謝以謝我春澤且養  
吾烈洪舉會音鵲桑長參以林柳伍土膏勃焉  
潘辭纂文徵我詩慚無好語吐諸君義誠高慎  
毋廢斯舉會看雛桑長參以桃柳伍土膏勃焉  
興財林漸賦蘇蘇平謝以謝我春澤且養  
吾烈洪舉會音鵲桑長參以林柳伍土膏勃焉

五畝園小志一書爲謝綏之先生家福所輯  
余於光緒丙申歲應先生聘就館儒孤中西  
兩學堂居園中者凡兩閱寒暑先生以所刻  
望炊樓叢書數種見貽此書在焉日月不居  
忽忽已將三十年先生久歸道山而絃歌之  
聲亦旣絕響矣去年春同學諸子感念前修  
思緜遺緒偕先生從孫正叔欲攷是園故實  
就訪於余余出是書示之驚爲創獲遂索書  
板於先生故第漫漶不堪收拾者十之七八

書後

而是書之板祗缺二十有四片正叔與諸君  
子集資補刊以印行之噫余識先生於始成  
此書之日曾幾何時人往風微陵遷谷變猶  
得重覩此書之板於灰燼蟲殘之後缺而復  
完豈非深幸雖藉諸君子之力以玉成其美  
然何莫非先生在天之靈護持於冥冥之中  
故能使其晚年之著述歷久而不磨也邪因  
不禁欣喜而識之甲子季夏崑山王德森書  
於吳門市隱廬時年六十有九

崑山王德森印



